

武城縣志
卷之二
七

杏村詩
賦譜圖
牛首詩
賦譜

吉
811.12
07799
V.1



첨 번 구 호	古 8.11.12 8.7.9.5 Y.I.	등 록 번호	134533
저자명	李 錄		
서명	金城聯芳集 天		
소 속	01	등	대출일 반 납 일

請番
求號 134533 登番
錄號

著者

書名

國會圖書館

古
811.1.20
779之
Y.1.

鐵城聯芳集重刊序

我東之明之運肇啓於魏氏末

逮

聖朝而益大以究極金璧之精微
彷彿以歸於一家而驚生不已如李子
袖亭收隱金江湖佔畢該以草
可指數而空觀鐵城聯芳集其
祖子孫三母又何其然也興也蓋

李子孫
李子孫

李子孫
李子孫

李子孫
李子孫

(原軒原之曾孫)

贈

行上

寄贈本

平齋端岡考村之貞以謁出之子
而久自名之筆雖無傳而嘗有
名于時客軒轅原卽平齋之子
忘軒拂胄即客軒之曾孫而多
有詩一卷詞賦遺錄若干首而
已然其詩或平淡而溫醇或雄飛
而清隽或高古而秀健聲潤移
力類皆步驟卒作若而席坐振

大雅之風自孔氏之運而生廢時高
鳴曷克於一家有特感如是哉於
星牛就考其名則平窮事恭愍
五官至密直副使高以徑濟器稱
容軒事載

太祖太宗芳宗位上而以清白稱
又其功名事業俱大著於時而忘
軒當燉山翔以諫官員之被褐風

節尚漁也也想甚平日所以教之於
久矣考勵皆與事末侔必當有
浩汗如江河重厚如山岳勁如金
石而靈耀一以考荷恨惜多貽教
佚殆盡今其所傳只有殘數卷亦
謂寐寥甚矣然成鳳一羽之景
見五季之備蓋苟不在多者存
又况三學清芳並美齊光必以歷

午載不諒彼玉箱家七葉固有不
及而乃若眉山之父子杜陵之祖孫
較之於以顧不當遜其一也耶異
時賢斯集者當有以知想遐尔
以徵夫東園文明之盛已兆於以矣
嗚呼休哉如密軒之孫青坡以陸
集平齋容軒之稿屬其表兄尹
叔園壘而付劄用以行顧板布森

久已數投公考其後孫宜秀甫謀
祀宗人並忘手稿今為一卷而錄
諸梓使甚先烈皆得奉考若無此
遺憾必字周賴又克左右之請
余序以甚之矣也已

晉陽鄭宗魯撰

鐵城聯芳集序

先祖容軒雜詠凡二百三十一首 先曾平齋雜
詠凡四十首詩總二百七十一首 平齋十五登
第有文章節行與一時名賢牧隱李公穡柳巷韓
公脩曲城廉公興邦為忘形之友官至密直副使
平生行事之跡有牧隱之誌焉 容軒十八登第
揚歷中外我

太宗大王待以故舊結魚水之歡功在社稷名
登竹帛而論道經邦之餘隨興輒詠有詩盈于箱
篋春亭下公時主文柄而每推讓之行事大畧有

達城之碑焉我家世自及第公隱不仕以來聯
世登科並有顯名判密直公杏村公皆有詩章
傳詠人口而或載於東人詩集茅以杏村沒而
平齋早年繼逝容軒又生於平齋辭世之
秋而晚年倉卒南徙因遂即世而諸伯父又相繼
亡沒家之遺藁失亡殆盡嗚呼痛哉我家君於
兄弟之次最少及容軒之存方始髫齒嘗為余
言此未嘗不廢寢忘食幸得兩祖遺詩若干於
亡失之餘寶藏之有日矣適表兄尹塲叔保按節
嶺南家鄉鐵城實屬統內而兄之行也路謁槐郡

家君遂以刊傳先藁為屬而俾留板於本縣即
以書并本藁走京師囑表兄柳允謙亨叟為之校
正焉兄於是正其舛誤兼圖族譜而楷書之以送
於余余與從弟則叔度奉讀再三手不忍釋相議
以為夫詩之為物由於性情發於吟詠故讀其詩
而知其為人今而幸得覩 先祖之詩則凡先祖
之風流志節文章政事蓋可想見其萬一而其儀
容之儼然則未由一接於目而求夢之不得矣在
吾輩猶然况在吾輩之後者乎嘗見宗兄僉樞公
越第有恭愍王親畫 杏村之影又有 容軒之

影盍取而傳其小影以附於卷端俾後之子孫讀其詩觀其影以為羹牆之想乎遂命畫工傳其大槩還其本於兄所獨惜乎 平齋之氣節而遺像不傳 杏村之文雅而遺集不行豈非子孫之不幸而萬世之遺恨乎然我内外宗族凡數十餘家而系皆出於 兩祖今其家集又當傳於萬世則杏村之遺像當與 平齋之文章同垂不朽而後世子孫之所不及知者則有國史存庶可以慰恨於無窮也余以兩集請序於達城達城曰近世晉山姜希顏父子皆有詩集編為一帙名曰晉山

世葉今此亦當以鐵城聯芳為名可也遂合而為
一集而以齋名別之成化丙申正月壬子孫通政
大夫工曹叅議知製 教陸謹序

鐵城聯芳集序

四佳手筆
甲子模刻

鐵城聯芳集者平齋李文敬公客
軒李相國所著也平齋事高麗器
物王大被眷遇官至宋立副使公
省經濟器皿以大用不棄早逝平
安致施舊例於密無謚恭慎悼念特
溢文敬宮軒事我

太祖

太宗

聖宗三朝藝文諸曹三長憲司進
宅百揆為時賢相二公切名事業
之盛文章特餘事耳今嗣孫工曹
參議陸集二詩編為一帙示居正
居正外祖陽村權文忠公近平齋之
婿居正內兄權翼平公曉字軒之
婿翼平嘗居正曰平齋玄軒詩

法去於杏村李文貞公容軒又早孤
鞠於陽村得師友淵凜之正詩予
於平齋密軒三老亦至不朽矣今觀
平齋之平淡溫醇安軒之清雅雖
翟麓山自負家法翼手之工蓋為所
見矣嘗見古之人以文章名家者必
必不有家法焉又必有師友之資焉
少陵之詩祖於審言東坡之文字

於老泉清高以文章鳴世而未必以不噴
於蘇家今哲財子率高之審言平
齋即宋軒之老泉陽村之於宋軒
寧坡之涪翁也嗚呼文章無裏豈
不難哉弟之於古僅得蘇杜二家
今考鐵城父子蕭羨傳芳續杏村
遺馥山多少諱於古人其工曹將
屬慶尚監司尹撝錄諸梓以壽其

傳求予序監司少軒之外孫居云
占平齋之外曾孫文懋不能張皇
光美姑書城傳子之累以并其名
杏村諱嵒字古雲初名君佐相恭
愍再入廊廟以名事參冠冕一時真
草行三法与趙子昂胡塲文章高古
簡淡大為允朝翰林院學士嘆賞
平齋諱岡字思卑官軒諱原字

次山工曹乙甲申大魁將歸藏之
美者必斯人也成化十二年著龍丙申
上元前一日號誠明亮迄理四邑崇政大
夫行議政府左參贊兼藝文館大揮
學如成均督事同知

經筵吏達城君徐居正副中叙

文貞公墓誌銘并序

李穡 撰

至正甲辰五月初五日推誠守義同德贊化翊
祚功臣壁上三韓三重大臣鐵城府院君李公
年六十八以病卒于第太常謚文貞有司供葬
事如典故六月初九日窆大德山夫人洪氏域
中明年上恩公親畫其形既肖錫朋酒以祭季
子岡泣謝退徵稽銘曰銘之不早若有待今可
銘矣繙以岡故父事公嗚呼忍銘諸公諱君俠
字翼之後避亮人名改蟲字古雲晉州固城縣
人曾大父諱璿及第不仕大父諱尊庵用儒術

事忠烈王掌銓選餘三十年試士成均又知貢
舉卒官判密直司事監察大夫父諱璫以材幹
歷使淮陽金海全晉二牧所至有遺愛封鐵城
君妣朴氏咸陽郡夫人父諱之亮判三司事有
功至元間天子賜金符授萬夫長公髫齒異凡
兒入小學已稱善書年十七中癸丑科知貢舉
權政丞崔贊成大加賞異曰公輔器也自是學
大進華闈日播毅陵愛其才命典符印除官秘
省由校勘再遷爲郎主簿丹陽府佐都官就陞
正郎永陵初元以典儀令擢密直司代言兼監

察執義同知辛未貢舉至元庚辰復職知申事
俄改成均大司成階奉翊末幾有旨成均師道
所在任亦重矣然左右予理兩府實專其職其
予樞密同知命下朝士相慶曰善入與政矣旣
而遷政堂文學僉議評理知辛巳貢舉是時用
事者詆姍我儒公獨立無助志竟不得行然亦
多所匡救焉明陵立春顧益豐加贊成事聽陵
立以爲先王舊臣之中有德有勞惟李某可輔
予政遂拜左政丞未幾罷今上還國欲用未果
令襲父封開府以致敬三年癸巳公自念年將

六十位亦極矣不以此時乞骸骨復何俟去入
清平山上求理甚憇徵禮者老公還諭留時時
召入對遂決意用公八年戊戌秋復爲守侍中
己亥冬毛賊犯北鄙以公爲兵馬都元帥往督
諸軍諸軍未集而賊已近矣西京守臣謀守不
可又欲謀焚倉廩公曰非計也賊遠鬪其鋒不
可當不中止其勢必震我國都欲賊中止莫若
唱以此城可令吾民挈老幼東走鎬倉廩屋廬
無所壞賊見必怯我亦且少駐怯我心驕火駐
氣襄俟吾軍集可一朝襲取安知今日所欲焚

者不為吾他日用事未踰月賊果敗如公所料
倉廩屋廬完全如初辛丑冬從幸安東功第一
明年賊平行賞公面奏今不幸罹茲多故將相
須才臣以無狀久叨左揆請避賢上愈益嘉其
無他加賜功臣號封君奉朝請公於官勤謹守
繩墨無一毫假貸於家不問有無費圖書自娛
淡如也與禪源息影老人爲方外友等室寺中
扁曰海雲扁舟往還至輒忘歸雅量如此杏村
其自號也嘗手寫太甲篇以獻語其子岡曰汝
志之吾旣老矣無官守無言責當以格君心爲

務爾公自秘書以至宰相必與銓選予奪不少私故終身無怨言前後門生多達官聞入諸子皆有所樹立嗚呼天之報施善人其有徵哉夫人侍中謚忠正諱子藩之孫右代言諱承緒之女先公二十七年歿流慶配德母有多子男四人寅中正大夫宗簿令次崇正順大夫判典客寺事次篤與平毛賊以功拜上將軍辛丑冬戰沒安州次即岡今爲密直司知申事藝文館提學知製教知典理司事女二人一適判事金光雨一適淮陽府使趙慎側室子曰牧郎將孫男

某官曰某曰某孫女若干外孫金某官曰
某曰某外孫女若干銘曰巍巍文貞開府鐵城
初宅左揆曰噫戒盈奉身而退水綠山明如雲
卷舒杳乎無情還居廟堂不動色聲長蛇封豕
就戮西京天啓公秉從容策成俾驕以覆九廟
不驚人始歎服詩書用兵大已蓋世其細奚評
王曰元老雖死猶生我儀圖之以風列卿既成
旣肖明禋繼併列卿用勸子孫興榮自古在昔
君臣聚精不亾其亾匪他曰誠詔爾太史尚徵

斯銘

文敬公墓誌銘并序

李穡 撰

先稼亭公嘗知丁亥貢舉所取士多聞人文敬
李公年十五神采曠然當時已謂有父風云其
後學邃識高名日益重堂堂乎宰相之材矣及
其病也衆以爲必無患也斯人豈止斯哉及其
亡也又以爲生之不辰乎藥物之有誤乎何斯
人而至於斯乎士大夫相與弔於朝親戚故舊
相與哭於其位行路爲之嗟惜上聞之悼甚命
重轉下太常議謚若曰樞密不應謚吾特褒岡
者文臣服勞久政堂文學松壽耳吾是以不能

忘異體同功今岡而已議旣上上曰文敬唯岡
足以當之嗚呼公可以無憾矣其友人上黨韓
脩孟雲曲城廉興邦仲昌父謀於韓山李繙曰
自吾友亡入孰不悲之然猶未免死吾友使可
傳者傳而死則吾三人者之責而亦所以自慰
其悲也於是銘屬繙脩書興邦篆而其刻石
則仲昌父孟雲實幹之嗚呼悲夫吾尚忍銘吾
友也哉公諱岡字思卑初名綱避同列名遂改
之姓李氏固城人曾祖諱尊庇判察直司事兼
監察大夫有名慶陵朝祖諱璫鐵城君父諱鼎

都僉議侍中謚文貞書法妙一時號杏村母洪氏侍中謚忠正諱子藩之孫右代言諱承緒之女初以門功錄事幞頭店既第丞慶順府於典儀直長主簿又為令兵部為員外門下省為司諫吏部為郎中戶部為侍郎密直司為代言知申事提學副使歷內外制官職至大提學官至奉翊大夫聰陵在書筵選充侍讀及遜位公從之居其立志可謂不苟矣上卽位之五年乙未召見奇之卽授主簿令掌符璽自是常在左右愈久愈謹其在吏部當遷公奏曰臣執筆注臣

名臣實不敢上益重之辛丑秋爲慶尚道按廳
使會北邊失守舉國南徙入其境供待充斥所
至如歸士氣復振卒藏兇黨蓋有助焉旣還京
代元文定掌銓選方邊報絡繹上下維持各飽
所望而成駿功公之力居多侍中之歿上親圖
其形雖上所以褒異大功臣歆動衆心其德甚
盛亦由孝誠能有以動天也至於臨事懼交友
信好善之篤存心以平吾所以友也天或假年
坐廟堂決大疑行大政無不如意則吾將師之
而未果也悲之庸有旣乎夫人郭氏考判開城

府事諱延俊女若干皆幼男一人今年生某月
某日卒某月某日葬城南藍村享年三十六其
銘曰胡畀其全而不予年夢夢乎其天之未定
也我鐫斯銘千載而鳴尚有攷乎吾文敬也

襄憲公神道碑銘并序

徐居正撰

鐵城之李高麗大族有諱瑨登第不仕種德遺
後生監察大夫諱尊庇以文名顯隆生鐵城君
諱璫以幹能歷淮金全晉數州所至多遺愛生
門下侍中諱岳事忠定王爲左政丞尋奉身乞
退恭愍朝復相已亥毛賊犯西關爲都元帥有

制勝功才兼將相勲名蓋世為詩亦簡古真草
行三法皆妙絕卒謚曰文貞生諱岡有父風人
皆以公輔期之早歿官至密直副使辛丑紅寇
之變恭愍倉卒南巡公為慶尚道按廡使奉迎
儀衛甚盛供頓充斥人皆噴噴稱羨王甚器重
及卒王嘆曰天何奪我罔之速也舊例樞密無
謚特謚曰文敬夫人郭氏判開城延俊之女洪
武戊申正月某甲生公公諱原字次山號容軒
初公生四月而文敬卒郭夫人常抱悲泣曰天
若祚李其在此孤乎公在襁褓嶷然如成人稍

長力學不倦公姊權文忠公夫人李氏憐公早孤撫如已出文忠亦教誨如子學日就爲文有作者氣每與論議發越不羣文忠驚曰吾舅氏不亡也公年十五中壬戌進士科乙丑圃隱鄭文忠公主試席公擢第圃隱曰以文敬之才之德不大厥施今有兒如此天之報施信有徵哉戊辰拜司僕寺丞累轉工禮二曹佐郎兵曹正郎云申

太祖開國器其賢歷試繫刺三入臺為持平為侍史為中丞剛正自持臺中凜然出守揚根郡有

惠政再爲典校任文翰所至籍甚有名聲
恭靖王擢爲右副承旨數奏詳明出納惟允陞爲

左

太宗立仍置喉舌眷注益篤論佐命勲賜鐵券拜
司憲府大司憲封鐵城君出爲京畿觀察使黜
陝嚴明豪猾畏縮永樂癸未夏

太宗文皇帝賜 詔命如京謝 恩冬出尹平壤
府府古稱繁劇難治公撫綏得宜政大理時方
繕修大同館公恐擾民寧僚吏親輸材瓦民樂
趨事不日告成明年以府尹兼西北面都巡閱

察理使丙戌拜藝文提學轉中軍摠制叅知識
政府事又拜大司憲遷判漢城府事戊子爲慶
尚道觀察使癸巳爲東北面都巡問察理使乙
未改賜推忠翊戴佐命功臣之號進禮曹判書
尋移大司憲至是凡三爲憲長正色立朝激濁
揚清謇谔有憲臣體改判漢城府事累轉吏兵
二曹判書議政府叅贊陞贊成事戊戌

世宗立擢爲右議政加賜功臣同德二字己亥
文皇帝賜 詰命冠服公奉表如京謝 恩公姿
相魁偉巍然萬人中

帝見而奇之曰黃髯宰相後須復來辛丑陞左議政主禮圍取安崇善等三十三人時稱得士已

宣宗章皇帝登極如京進賀公自叅知政事出入廟堂二十餘年爲首相九年政務寬大不喜更張持大體當

世宗銳意初政之時啓沃獻替裨益弘多朝廷想望其風裁公亦盛滿爲戒欲乞退者有年先是
有忌公者構公暗昧之過

太宗親雪之

太宗上賓忌公者挾前憾嗟臺欲抵公死
世宗知公無他重違臺臣之請謫礪山郡是丙午
春也

世宗念舊勲眷顧不衰每論議大事必曰鐵城在
必處之矣未幾欲召還復相忌公者又沮之已
酉夏以病卒享年六十二

世祖還賜職牒功臣錄券公氣宇寬洪性稟忠直
輔以學問之正故其發於議論措諸事業者蔚
乎可觀平生與人言未嘗矯飾又不崖岸自異
及其臨決大事確然不動屹如山岳掌銓注十

餘年選賢與能予奪不以私故人無怨言真太平宰相也惜乎一遭顛躡不能贊成

世宗維新之治亦天也公先娶陽川許氏典理判書錦之女生一男二女臺中樞院副使女長適主簿柳方善次適副正柳汲後娶全州崔氏奉常大夫軍簿摠郎丁智之女封弁韓國大夫人生六男曰谷大護軍曰塗漢城少尹曰碑同知中樞院事曰塲上護軍塗堦皆中武科有時譽曰增行靈山縣監曰墀行大護軍兼承文院叅校中丁丑文科生四女長適僉知尹三山次

適求禮縣監李宏植次適左議政權寧次適繕
工副正黃從兄臺娶牧使權詳之女生四男曰
越僉知曰晨副正曰嶷僉知曰庚主簿生三女
長適咸陽君諱次適縣監鄭自淑次適僉正李
諱谷娶司藝李陽明之女生二女長適府尹姜
希顏無嗣次適生貞南性塗娶掌令鄭之唐之
女生二男曰準縣監曰則議政府舍人壬午及
第生六女長適縣監趙廷老次適郡守朴埈次
適縣監許旛次適府使李時璽次適知中樞院
事金淳次適參奉慶祥碑娶縣監尹煥之女生

一男儀宣略一女適生貞鄭純彥後娶修義校

尉吳泉之女生一男曰偉生二女幼塲娶郡事

李紂之女生二男曰崑曰巖一女適南衡增娶

觀察使李曉之女生四男曰泙縣監曰濬進士

曰泗曰濱生二女長適趙銅虎次幼塲娶鄭保

之女生四男曰陸掌隸院判決事甲申社元曰

陲進士曰熙曰陌柳方善生二男長曰允庚次

曰允謙典校校理生五女長適房峻次適金永

堅次適崔榮祖次適郡守金元信次適許埴柳

汲生二男曰從京淳昌郡守曰從華鍾城府使

尹三山生六男曰鴻上護軍曰塘保功將軍曰
壠楊州牧使曰垓縣監曰坦上護軍曰坡直長
生三女長適僉知朴梅次適西林正祇次適青
原正霖李宏植生五男曰孟禧縣監曰仲禧禦
侮曰季禧察訪曰永禧副正曰益禧女適主簿
金禮童權驥生二男曰傑吉昌君曰健進士生
七女長適清原君韓世龜次適經歷朴士華次
適監察申億年次適主簿金壽亨次適佐郎慎
守勤次適參奉閔師騫次適申末平黃從兄生
三男曰瓘生貞曰瓊曰珪越生二男曰嫡孫護

軍曰嗣孫晨生一男曰巔嶷生三男曰珌曰琬
曰琢庚生五男曰精曰遵曰質皆生貞曰博藝
文檢閨曰達進士準生一男曰英則生二男曰
苗曰蕡儀生一男曰豐淳生二男曰孝胤曰忠
胤陸生二男曰嶢曰嶮内外曾玄孫百有餘人
初公卒後三日崔夫人亦卒窆廣州治之西栗
村竊坐坎向之原同域異墳厥後諸孤相繼淪
逝餘四十年碑尚未立今叅校公慨然欲堅命
居正銘之居正外祖妣李氏即鐵城之姊忝在
戚屬義不敢辭謹銘銘曰堂堂鐵城有炳烈

相府潭潭麟閣屹屹久宅百揆功存納麓人有
著龜國有柱石造物者何戯劇於人何數之奇
何亨之屯黃閣朱崖蒼蠅白璧公則不嫌公處
自若王曰念公公歸不日公歸復相天奪何惠
雖則云然所存者長山礪河帶公則不亡玉立
蘭盆子孫其昌廣陵峩峩廣水沄沄立石不朽
維公之墳

鐵城李氏族譜圖

李璜

登第隱不仕

子田枝

登第太子

子國軒

兵部尚書

子永年

禮部尚書

子麟冲

子瑨

字國寶登第隱不仕

子尊庇

字彬然判密直文僖公

子璫

字聖玉大

子品

女金光兩判事

固城君

子寅

固城君

侍中文貞

登第不仕

密直文僖公

子崇

評理固

生杏村先

上將軍

城君

子蔭

上將軍

生

上將軍

城君

女趙慎

上將軍

生

上將軍

城君

子蕡

聖人集方言圖
子岡

字思卑文
敬公平齋先生

女權近

號陽村

子權踐
女李種善
子李麟季甸
谷不害

女閔開

子閔
不貪

女李良幹

子安尚玠
女李之夏
柳汲

子原

字次山左

子臺

議政襄憲
公容軒先

谷

生

尹三山
李宏植

女權孽

子埠
增

女權孽

女黃從元
墀

容軒子女圖

四寸圖

六寸圖

八寸圖

柳方善

子柳允庚

子柳長孫

瑞山人
主簿號

秦齋

女房峻

女曹始孫

子房紹祖

女元永貞

女金永堅

子金有鏗

金有鏘

子金城

女陸機

子柳允謙大謙

子柳惠全弱善

文崔榮祖進士

金元信郡守

子金碑

子金龜孫麟孫
又鎮安正

柳汲

文化人
副正

子柳從京

郡守

子柳澄進士

柳漳僉使

柳混監役

女李克蕃縣監

安敬宗別提

柳從漢

柳從華

子柳渭參判

府使

女鄭誼

廣德監淑

李湜

子嫡孫謹軍

子溫別提濂挺生
貞浩女宋浩明

嗣孫縣監

子建別坐女趙彭
進士

女金世臣郡守

子金瀛生貞

申仲平

監役

子申欽縣監女金
季賢直長子鉅鑄
主簿鍾水使女韓

明鄭嗣宗

子龜山君繼男女
鄭汝裕趙維成希

女咸陽君誦

夷安公

臺

中樞副
使號鈍
齋

子越

桂林君

子嫡孫謹軍

子溫別提濂挺生
貞浩女宋浩明

子富原君鎮

哲

中樞副
使號鈍
齋

桂林君

子嫡孫謹軍

子溫別提濂挺生
貞浩女宋浩明

嗣孫縣監

子建別坐女趙彭
進士

嗣孫縣監

子金瀛生貞

主簿鍾水使女韓

明鄭嗣宗

子龜山君繼男女

鄭汝裕趙維成希

湖山君鈞

正

子保安
女韓亨元

正

鎮安
曹

獻申公濟

判書沈
幹沈光孫

子阜校理

號杏園
沈

子嶽司果

察

副正

子晨

女鄭琇

老女趙汝霖朴照

東萊人縣監

司評

子琰府使

子佐佑舍人女朴

龜年別坐

子琬大諫

子傑進士儉俊儒

縣監女柳應世朴

世馨洪緒

子存身司直女雲
溪令連宗李義監

察

琢副正

女張訥

李炯

女安耀

徐順元通贊

子徐濬女安處權
李瑊

申漢豪

子申堰部將

子珉

子敬身存身出系
女金碩參奉

子精生貞

子琰生貞女蘆希
綰權世衡

遵縣監

子清監司

質生貞

子灝生貞女蘆希
綰權世衡

庚

府使

博檢閱

子鑾別坐女李弘
幹僉正子涵

達濟用正

通進士

女金賢孫水使

子金漢良漢傑

女鄭自淑

子鄭渭

子鄭孟壽仲壽台
壽女姜濤韓弘澤

延日人郡

鄭洵判決

子鄭彥清

鄭泌僉正

子鄭彥澄彥濯彥

浩文李珠

鄭渢叅奉

子鄭惟深惟沉

女高林正薰

子鐵城正鏗固城
君鋼光城正

趙信忠

雲山君誠

子泰山副正

長堤副正

興安正

成希尹

文尹封黃浚源

李諱

星州人吏

舅

子李云莊

同敦

子李技摸女尹貴達韓慶勲

子李挺女金石精

李云莊司評

子李擗探撻掀女吳肅

女朴琰生貞

女姜希顏府使

谷

知通禮
門下事

南全

宜寧人生
貞

子南孝溫

生貞秋江

子南忠世

女盧公裕

崔季思府使

子南孝恭

子趙見知進士

子趙瑾女茂豐正
南忠世柳聃壽

女趙廷老

姪

漢城少尹贈左贊成

豐壤人縣令

趙克知郡守

趙自知縣監

朴埈

守山人

女鄭崇祖

河南君

許衡

陽川人
典簿

子許瑞

文金煬震叅判辛
世卿鄭希信

李時璿

全義人府使

女金磁

子李公遂

縣監

女金順貞李寶趙
文翁

女郭林宗直長

子郭翰

子李公達牧使

文權友彎

女陳福聃

驪陽人進士

子陳憲寔騫賓名
宦女金守雍

子李公遇承旨

女李玉卿

子準

郡守

子英

司書

女鄭奏咸縣監

子鄭錫鍵縣監

子洪禮孫

韓灝都事

子韓世琳進士

子韓世璗進士

子韓世璗進士

子韓世璗進士

宋達

芳蘭秀生貞文

慶世傑進士

城正金懿胤辛

子岱參判

宗麟縣監

子忼福女金億年

則
大司憲貞
肅公

賀縣監

子檜樞棟撻格女
申挹郡守
子盧漢佑縣監
李鳩

子應牧使女李世
芳蘭秀生貞文

子珍進士女許塘
世璗進士世璗進士

子珍進士世璗進士
盧漢佑縣監李鳩

子珍進士世璗進士
盧漢佑縣監李鳩

菜府使

翁副率

莞郡守

女權柱

參贊

朴埠

縣監

慎弘佐參奉

子朴龜瑞別坐
瑞郡守女金敦慶
元彭祖兵使子朴
鳳瑞郡守女鄭曙

女金淳知中樞

慶祥
清州人
郡守

女鄭達德縣令

子性縣令

宋賢徵

子慶世臣縣令

女李長坤贊成

十亨良

金自河

子慶世仁著作
敬齋

慶世昌文同
知

子尹汝霖判官

女李孟賢

子李璫校理
璫司

圃珠縣監璫縣監

判官瓊縣令瓊進士

尹化尹化

李熙熙

尹三山

坡平人
僉知
贈領相

子尹鳩

判書

成希曾校理

李益 判官

尹塘

主簿

子尹汝弼縣監

子尹琮女秦公亮
朴文煥

女權士彬生貞

子權儀縣監
成鑾檣文李誠

子尹殷老參判

子尹珍都正

尹壕

右相

尹湯老坡川
君

貞顯王后

尹垓

府尹

女○○○○

子尹士元 判官

女金孟珍

子金光輔 女羣山
守

柳濱

子柳光漢

奉湜 河陰人

女安定副正

女朴撫

密陽人
金知

子朴仁烈

女金良厚

西林正恆

子殷豐副正

亨孫

助川副正利孫

森溪副正貞孫

子速女金義淑

女柳愚

晉州人

子甄陽正總

益陽正縉

青原正霖

豆原副正

全陽正經

女金世弘

子尹坦

判敦寧

子尹商老郡守

尹衡老左尹

女任孟英僉知

子任國成文申瀦

安顯 別坐

子尹莘老府使 女趙佑

尹嵩老縣令

尹坡

同知

女權麟

李寬

李宏植

子李孟禧

子尹礪老縣令

子李昌亨郡守

全義人

縣令
贈吏判

縣令

李仲禧

李昌貞

子李昌壽僉正

子李世忠效忠錫忠
益忠申忠女李瓘

李昌年文正

女李允敷韓山

子李宗光女韓世
雍

金彥卿江陵人
兵使

子金璫瑚璇

朴松秀

子朴勲績

李季禧

子李根仁

子李胤男叔男茅
男

察訪

女金忠長縣令

子金連宗女鄭永
祖

金壽童領相

李永禧

子李昌仁監役

副正

李昌義僉正

李昌禮縣令

李昌智郡守

李昌善

女朴僖判官

陳首胤

安塘左相

子安處謙處誠處
謙

李秀鳩寶

李亨順
兵使

韓晟
判官

女金禮童

察安東人監

子金洧

女韓承元

子李益禧

子李侃

李倪
兵使

女沈光宗
監察

李汝完
金義人
郡守

鄭仁俊

尹壽福

李稷 縣監

柳世麟參判

子李任 永吉

埤

同知中
樞院事

女鄭純彥

貢 河東人生

子鄭瑞生

女朴義榮

鄭承祐

子豐 郡守

子郭判官

女金友謹

光州人
僉正

子金良秀

李仲孝

全義
入

女黃誠昌

子黃則 縣監

子儀

府使

長水人大司諫

黃度進士

女徐秀孫

權涵

子偉

監司

子申進士

子繼宗主簿

女崔壽郡守

子崔希慶女洪以
乾金大鼎

呂公正咸陽人

縣監

鄭祇光州人

子鄭良臣弼臣誼
臣女王賓縣令

子金光灝郡守

金光烈

安山人

女金坤壽

女尹任衡

子金光澤

權驥

安東人

左相翼
平公

文韓世龜

清原君

朴士華

經歷

慎守勤

左相

南怡

兵判

申億年監察

子申圭祐

申庄祉

申庄禧

申圭祿

女德津君

文成慄

金壽亨

安東人主簿

子金彥弘

金彥默

女朴世俊

丁世明

子金鉉

子奇遵應教适進

女蔡承權

子權訥女趙敬忠

李徽

子權訥認女金崇

武李興禮奇琛

女柳奉宗

子權傑

吉昌君

子權憲

權愈

權憲縣監

權恕

女許磧

石

女閔師騫

子閔倫 部將

驪興人監司

閔恬 郡守

閔惲 承旨

閔惷

閔恂

閔忱

女益興守孝仁

李升尹

鄭熙年 訪

察

子許濱

李鵬

李德文

子權健

進士

子權懿

權懿

女全城君忭

子申鏗判書
韋菴

申鐸監司

女申末平

贈左贊成

女吳世勲

韓灝

李龜齡

吳福貞

朴龜壽

女南衡

宜寧人判
官

子南振門

論學

女郭世勲

子朴郡守性出系

子崑判官

女朴裕慶文副正

子翁副寧

子憐監察

女尹世慎

子禹烈朴希參

徽

監司

增

子淳

子胤

子復縣監後佐郎
女禹烈朴希參

場

北兵使

宜寧人判
官

南振宗

縣監
贈吏曹

參判

司醞署令
贈都承旨

副提學號
雙梅堂

正言號
忘軒

金彥弼進士
女金綸直長

胄
縣監

育察訪

督修撰

女黃璫

監察

南軾

英陽人訓
導

韓璉

子韓淑參判女尹
溥參奉子韓灝司

子顥縣監領進士
女趙孝宗察訪
子鄆別坐郊別坐
郭都鄆女尹元枯
女韓翁別坐

女陳復命進士

磯縣監子黃孝信

孝誠孝儉孝恭司
議女陳九疇

女琴憲子南謇臣
女鄭華子南蓋臣
鞠臣生貞

唐津入洗 諫畱掌令
馬

許復亨 司儀 女鈴平正輔

柳亨昌

晉州入

子柳幹郡守女楊世光生貞趙應弼

涿

留守歸來亭

女安憐竹山人

掌令

女張明遠判事

女趙銅虎

子趙舜 參判

咸安入郡

趙昌 上將

趙參 訣義

趙績 判決

趙發 上將

趙騫 虞候

子洛

佐
吏
曹
叅
議
贈

趙淵 經歷

子審女邊永清府
使張文輔牧使

子宅宣

勝
郡
守

胖
郡
守

腠

股
郡
守

肱
別
提

女徐嶧涵齋
子容叅奉

沼

留守

清
生
進

女黃頊

女申公權

長水人

康士雍監察

子黃世範

女辛彥貞

金揚祖

子岐府使

嶺郡守

子濕監察渥司直
女金弼唐
子潔參判

承文叅
校直藝
文館事

屏

子陸

大司憲號
青坡

嶽
郡
守

葉進士

葉進士
贈承
參

子世芬世芳贈
承旨
子濤府使澤都丞
旨

峽

女安邦彥

女檜山君 柳用

竹山人贊儀

涵女李富春李敞
副正陸昌守彥博

申汝良兵使

南淑

子南孝錫監役忠
錫仁錫義錫禮錫
宜寧人郡守信錫勇錫女尹希
參崔堰奉事

成世昌左相

子恂

令贈贊成

文閔齊仁贊成子
名珪兵判安莊公
女洪希淑監役

女卞綱之

子卞應夢郡守文
崔漢洪雞林君權

密陽人正字

福

李芷

艾玄仲麟僉使柳
絳子李麟福判官

下
邑
使
判

贈

李芷

李麟禧縣令

隰郡守

女韓允根

清州人司直

女權輓吏判子韓崇健別坐世健

陌

大司諫

子麟郡守

子活潑滂女崔翼

嶧監察

子潔主簿女韓克恂元彥佐李邇叅奉李致益趙萬鍾閔慶麟叅奉

女尹倬

左尹

子尹先哲副正先正女許鑄主簿許明奉事

李永福

縣監

子李頤願頓女尹紀判官柳孝忱

桂山君壽城

子義城副正銅豐城正銓女安寬

女朴恒

子朴增

正密陽人寺

呂希齡

郡守

文金荆寶

朴榮

子呂孟溫

郡守

呂仲溫

副正

子金琨

副正

女鄭世忠

子

柳成幹

子

柳榮幹

子

柳昌幹

子

柳堅幹

子

黃從兄

長水人

副正

女金孟鐸

金正

柳約

文化人

郡

柳凌幹

女朴誼

楊鵬

子黃璫

子黃孟獻

子黃迺恬
麥河袖朴哉
女慎文

府使
吏判長原贈

黃光獻

子黃恂怡格

黃世獻

子黃忻祚

黃汝獻

子黃淳

黃孝獻

子黃淳

女朴仁範

子朴脩胥縣監

女康士淵貞

子黃淳

黃瓊

崔自泳司議

黃瑾

僉知

女李蕃

子黃仁獻

鄭繼咸
訓導

田季耕
察訪

子黃忠獻
監

女李長彥

李陵
生員

黃瑾

縣監

黃琬

生員

黃璫

虞候

子黃信獻

虞候

女俞希祖

子俞光佐

李承宗

子李始彥

鐵城聯芳集卷之一 目錄

杏村先生遺稿補遺

寄息影菴

夜製

清州拱北樓

元巖驛七老讌集詩

平齋先生詩集

省中次諸郎詩

省中次山水圖詩

次吳散騎宅芍藥宴詩

次諸公賀許中書佺詩

戊戌冬到金城村次朴郎中韻三首

冬至日留金城村偶作示妻姪鄭進士樞

直竹堂有作寄劉少卿

送鄭清風樞次牧隱先生韻

次清風詩韻二首

詩邊河郎中

立秋前一日與田郎中祿生同宿

賦來字送妻兄赴尚州

扈從尚州次秦判事家清風亭詩韻

送崔持平德成分司舊京次郭議韻

清州拱北樓應製詩次諸公韻

次朴摠衡詩寄慶尚廩使李中書寶林

次鄭清風樞風雨詩韻

次郭諫議詩

賀河殿中侍郎

清道郡村家偶作

次摩利山齋室板上韻二首

齊宮有作示同齋諸僚

與諸公會賢聖寺峰頭二首

早春次諸相國賦廩侍中宅盆梅
詣朴常侍大楊壁上有續蘭亭會記慕而

有作二首

夜飲次金承旨韻三首

陪諸公遊中和堂誦一齋相國詩次其韻
中和堂又書

送河南郭檢閱使還

金杜元掲詞

王代言宅席上

柳侍中花房盆梅

鐵城聯芳集卷之一補遺

杏村先生遺稿

詩

寄息影菴

浮世虛名是政丞小憲間味即山僧箇中亦有風
流處一朶梅花照佛燈

夜製

玉輦親臨松嶺上靈芝秀發石亭間吾王盛德那
能說先賀天齡等此山兩詩出東文選

清州拱北樓

古郡高樓迥誰知結構初秋深萬山樹景入數行
書遠岫拱西望青雲補北虛登臨忝侍從光寵自
慙予

元巖驛七老讌集

秋風輦路稻花香當日憂民意自長更對一樽祈
聖壽坐看鰲胥屢成霜

兩詩出輿地勝覽

舊序青坡公以杏村之遺集不行特附
小影於卷端歲久板缺影本亦無傳矣茲
於重刊之日蒐得遺詩四篇於東文選及
輿地勝覽載諸編首云

鐵城聯芳集卷之一

平齋先生文集

詩

省中次諸郎詩

聖主恩深難測量
光榮豈是布衣忘
中原昔作征東使
西掖新除門下郎

省中次山水圖詩

滿壁嵯峨橫翠巒
雲烟作態似愁鬟
何當舉足凌高頂
一覽便窮天地間

次吳散騎宅芍藥宴詩

天道尤知不失常曲教芍藥屬諸郎此花哉日先
成兆同舍來時別有光芳宴未叅開秩秩良辰更
惜去堂堂寄言慎勿隨風墜要使寒生一嗅香

次諸公賀許中書佺詩

始知東國出奇珍明主如今得善人霜雪清威曾
絕類芝蘭馨德更無倫竹堂揮翰光翻日藥砌題
詩興媚春為報蒼生須洗眼風雲際會有賢臣

戊戌冬以右司諫因父親左侍中相避到

清州金城村留一月朴郎中以詩寄之次

其韻

盤谷泉甘土亦肥小憇靜坐咏陶詩田頭擾擾功
名地正是風塵滿面時

無錢易得白魚肥况有尚州酒與詩雪擁草廬風
折木柂燈夜話未眠時時妻兄以前尚州留其村
故云

留村日久馬初肥故友相思寄一詩戀主思親心
更切歸期正在月圓時

冬至日留金城村偶作示妻姪鄭進士樞

行隨初雪到金城坐見微陽井底生遙想五雲凝

鳳闕鵝行肅肅賀文明

直竹堂有作寄劉少卿

晚來牢鎖九重門玉漏聲聲透彩雲清夢亦知親
意熟溪南曉月訪劉君

送鄭清風樞次牧隱先生韻

何人惜別又傷時獨立秋風浸滿衣一曲陽關歌
未闋長鬚急報已斜暉

次清風詩韻

西掖風流誠羨哉香凝錦帳綉屏開清風郡守寒
無夢依舊宮醪自滿杯

三槐豈肯改心哉一院清陰望再來知子已嘗山
郡味江樓空不及雲臺

鄭公在省中作詩云好在三槐樹空留
一院陰他年如再到毋改此時心故云

詩邊河郎中

獨坐成幽興苔深四壁空菰蒲一池雨枕簟滿樓
風杯底冰漿冷盤心野果紅此間閒氣味思與我

兄同

立秋前一日與田郎中祿生同宿

月出四山靜蟲鳴一院空人間指夏夜天上已秋
風蘭葉露華白花畦煙彩紅迢迢湖海夢今夕與

君同

賦來字送妻兄赴尚州早回來之意也

城東纔舉送行杯料得尚民懷抱開闊下風雲應
有待何湏成政始歸來

扈從尚州次秦判事家清風亭詩韻

露洗秋空稍散涼風經荷渚遠飄香好開綺席酬
佳節一咏仍湏一舉觴

送崔持平德成分司舊京次郭諫議韻

北闕彤雲遠南州白日遲仲宣初作賦賈傳獨傷
時洛曲一杯酒陽關三疊詩相逢何日是漂泊負

清州拱北樓應製詩次諸公韻

扈駕南巡日登樓縱目初山川渾似畫雲物亦堪
書霜落長天淨煙消大野虛端知千載下應製必
喧予

次朴總郎衡詩寄慶尚廉使李中書寶林
聞道南州別有天家家自起太平烟不才不幸遭
多難塗炭民應說去年去年予為按廉故云

次鄭清風風雨詩韻

山雨溪風擁短籬吹來吹去急催詩倚筇仰面移
時立不覺兒童拍手歎

次郭諫議詩

到處逢人說我鄉頭流山下即咸陽五更獨鶴應
孤呌萬里飛鴻自恣翔鳳闕懸心身未退鵠原回
首恨彌長已知忠孝各有日又況扁舟興不忘

賀河殿中侍郎

戊戌秋司諫時作

兄弟偏承餘慶多誰家積善似吾家可憐蕭灑霜
臺栢應羨風流藥省花

清道郡尉家偶作

青山漠漠水悠悠別後難禁一片愁好夢忽驚牛
背笛斜陽又下竹西樓

次摩利山齋室板上韻

春風景物富年華承命來遊道里賒鞭駟朝辭丹
鳳閣棹舟暮趨白鷗波半空蒼翠山浮色滿壑氛
氲草自花借問蓬萊何處是人言此地即仙家
心靜身閒骨欲仙遙思人事正茫然薦蘋秘席重
興後疊石靈壇太古前已得眼看千里地恍疑身
在九重天此行無耦如相詫須值還都朞一年

韓宗

愈詩云此行湏信前無耦
正是中興第一年故云

齊宮有作示同齋諸僚

火雲凝赤日膏雨久違時苗長誰能助民生未有

期况聞邊寇逼復見野人飢此極堪號泣皇天忍聽為

與諸公會賢聖寺峰頭

常愧平生未得閒東西役役走塵間忽成賢聖峰
頭會靜聽松聲滿碧山

我欲他年記此遊松間要醉更無求城頭暝靄催
歸馬不厭山僧挽袖留

早春次諸相國賦廩侍中宅盆梅

不須吟咏強雕真自是風流玉蘂新一見茫然一
惆悵還如濟物去年春先公扁其房居堂曰濟物

訪朴常侍大揚壁上有續蘭亭會記慕而

有作二首

人世年多積蘭亭事已空悠悠千載下誰復繼遺
風

有感斯文在無悲陳迹空一觴仍一咏俯仰慕清
風

夜飲次金承旨韻

人情常媿秋雲薄尊酒不厭河水深誰識琴中無
限意巍巍蕩蕩古樽今

歌清絃緩行雲止月落參橫寒夜深但恐年光速

流電伴紅裙醉喜吾今

交來不怕人心變醉盡揩傾杯酒深謝傅東山千載興誰能繼踵迄于今

陪諸公遊中和堂誦一齋相國詩次其韻
依舊桃花樹樹開臨風弔古舉深杯人稀地僻饒春色從此吾將往復來

中和堂又書

中和堂前桃李花中和堂下神仙家城中少長各饒興邀仙看花尋紫霞登臨疇昔歌舞地獨向春風長吁嗟古人無復耆英會今人還歌中和曲代

序鱗次不暫留百歲念念鳥過目曾聞謫仙嫌畫
短願言夜夜長秉燭莫道朱顏鎮長在滄波尚變
為桑田雲烟芬馥花如海絳管啁啾日似年一詠
一觴心不足婆娑醉倒春風前

送河南郭檢閣使還

我在遼海東君居天地中相逢如隔世一見喜同
風禮貌從輕重交期誓始終論文恐難再歸騎莫
念念

金壯元挽詞

維昔楮年榜三場第一人聲名初出衆標格本殊

倫金浦孤舟月 樺園小圃春遺蹤
宛然在揮淚獨

傷神

王代言宅席上

雲間皎月葉中花曾見前人嘆世歌萬事日生春
易去對君但要醉無何

柳侍中花房盆梅

玉樹瓊枝冉冉香看來白雪欲粘觴
閉牕不是防人賞只怕東風一陣狂

唐村遺墨

出海東名蹟

王多英

秀之書與之子登弟云

清
王
多
英
自
書
卷
末

通鑑

自知怪寓也為誤乃

才或諭也此始終

主原祐國唐魚宋

李封李門也

山泉草堂
中老空原

靜是志
休是心
俗是志
俗是心
肺是陽
肺是陽
氣是陰
氣是陰

梅杏香紅多
原西奇者
在往誰
誰將送夕陽

北
萬
地
少
東
都
經
韓
一
辨

人云乞
下角和
此也平
此也平
此也平
此也平
此也平
此也平
此也平

古風
大清
明春
更年
夕年
之歲
歲暮
歲寒
歲暮
歲暮
歲暮
歲暮

過密州次韻趙
先生依舊廣文負
明對喬禹功
老守時遭醉尉嗔

汝輩何曾堪一笑
吾儕相對復三人
黃雞催曉淒涼曲
白髮驚秋現在身

一別膠西舊朋支

扁舟歸釣五湖春

平齋遺墨

出海東名蹟

月出西山靜虫吟一院空人一丁

移夏寒玉上色秋風蘭蕙

這墨

雲淡華山色
晴烟紅遍

渺渺夢中人

常愧平生未得閒
東西擣

芝崖閒勿成家
空羣詠坐

鶴於松聲滿碧山



銀
柳
新
詩
集
卷
一
地

金軒
詩

古
811.12
07792
v.2



첨 번	구 호	古 8 11.12 17792 Y.2.	등 번	록 번호	134534
저자명			李 錄		
서명			鐵城聯芳集		

請番
求號 134534 登番
錄號

著者

書名

國會圖書館

古
8/11.12.
6779
V.2

贈

一九七〇年六月十日

寄贈本

容軒先生集序

吾少也為郎於諸曹而承事長官者
頗多若 容軒公 杏村之適孫當

代之勲臣身彩巖然有鸞鶴之姿曾

襟豁如抱風月之懷可謂群山之嶠

獄衆流之江河真大人君子也詩章

特其餘事耳春亭先生卞公工於詩

語然常思避席而仰慕焉果登相位

垂名竹帛予惟山之高也故金銀銅
錫興焉海之深也故蛟龍魚鼈生焉
氣之厚也故道德文章具焉吾於

容軒公見之矣今其孫壯元李公陸
奉遺嵩一帙請序其端猶以亡失之
多為辭然多乎哉不多也後之人奉
讀數篇足以知大人君子之氣象云
成化十一年乙未冬十二月 日輸

忠衛社協賛靖難同德佐翼寧難翊
戴純誠明亮經濟佐理功臣大主輔
國崇祿大夫河東府院君無領 經
筵春秋館事鄭麟趾伯瞻序

鐵城聯芳集卷之三 目錄

容軒先生詩集

次李先生詩韻

沙川途中

次廣陵板上韻

普興寺即事

寄利城君

寄麻田尹少尹

搥燈

次時出亭韻

在檜巖寄朴知申事

次鐵原東軒詩

安峽

次聚遠樓詩

次江華詩

次侍中樓子野詩韻

大同江舟中

次柳判事詩

述懷呈頤齋

次靜州板上韻

西望日寺

次李大提學留別詩

介州樓

次仁王長老韻

谷山鄭使君寄詩次其韻

奉呈頤齋

贈汨水漁人

雨中寄卞春亭

寧州南院樓遇李同年

次淳昌樓詩

寄慶尚咸使相

次愚上人詩

次金虛舟詩

題高叅議詩卷得朝字

丙戌十一月二十日夜雪

幽居即事

用前韻呈春亭

寄白雲山僧上人

寄廣陵柳牧使

詠蓮

寄李牧使

寄慶尚咸監司

走筆送永嘉君奉使中原

送玉川君赴京

寄許衡得碧字

送偰判漢城赴京

次四佳亭四首

次韻送朴咸豐之任

次韓少尹詩

次古入欲歸詩韻

勸學

次金教授詩二首

題真觀社浴室

伊彥村家即事二首

尚州新樓

次星州東軒詩

次燕子樓詩二首

次永嘉樓詩

次襄陽曲

次甫州板上韻

次驪興樓詩二首

次龍宮樓詩

次咸昌樓詩

寄江原尹使相

次清道樓詩

送杉庭

次東萊詩二首

次善州樓詩

題彥陽東軒

戲贈安司諫

次雙梅堂月影臺詩

次固城詩

哭恩門陶隱先生

呈秦典農

題開寧門樓

次梁州詩

次金匱舍詩二首

次蔚州太和樓詩

平遠閣

白蓮社

碧波亭

隱月峰

望海臺

次浩亭留別詩

次雞林東軒詩二首

次松生韻

寄光山金同年二首

寄豐海咸使相

寄西都朴使相

次金山詩

次黃澗樓詩

寄金教授

次順興樓詩

自玄風往昌寧雪中次金直講詩二首

次草溪鑑政樓詩

次昌寧龜庵四詠

次朴松溪詩

己丑歲日與安司諫次古人詩

次永嘉君暮春詩二首

尹愷妻氏挽詩

劉副令村舍偶吟

次閔執義詩二首

次朴生詩

次裴山人詩五首

送朴牧使之任公州

賀鄭司諫

走筆寄仰巖崔同年無呈法泉珪上人

次獨峯餞金海金公詩

謝李叅判送柂

次許栢亭詠梅二首

次權逸民送梅竹盆詩三首

閒居即事二首

呈卞先達

有感呈卞注書

秋夜寄友人

海棠

寄友人

春日訪柏亭

登樓二首

宿閑聖寺

宿觀音寺

贈虛上人

夏日懷友人

尋僧

遊山

閑中

燈前聽雨

寄姪

次順州詩

次成州西樓詩

次浩亭先生韻寄卞司藝

奉呈東北界監司

次永寧東軒詩

次龍州詩韻寄友人

次兵曹正郎李兩同年詩

次浪水漁人韻

黃菊二首

次虛舟卷韻

次李少監詩

大同館落成三首

立春日次虛舟韻二首

訪春亭不遇

用前韻呈春亭

用前韻

用前韻

李典書挽詞

寄呈許敬差官兼呈廣州柳牧使

以詩答焰師書

送許公之任公州二首

次友人韻

次李高城詩二首

次春亭韻

次權觀察使詩

僧伽寺次孔漁村詩

題日本僧松泉幽處卷中

太宗大王挽章

題普興寺

寄忠清咸使相

次麻田東軒詩二首

次臨津亭詩

在檜巖寺洞裏呈知申事二首

次陽川亭上詩

謝萬義贈扇

招張議郎

次張議郎詩

在蓮亭招尹教授

贈金獻納

次安山東軒詩

寄一雲上人

題安東浴室

題映湖樓詩

永樂年

次楊州東軒詩

偶吟

夜飲呈坐上諸公

次古人韻二首

次延山府板上韻

次陝川澄心樓詩

次會元樓詩

次嶺南樓詩

次榮川東軒恩門鄭侍中詩

次金獻納詩

次卞春亭詩

贈閔執義二首

次靈山樓詩

次盈德城樓詩二首

次春亭題嶺庵詩

次金大卿之任商山兼寄朴江陽二首

次明正庵詩

又次明正庵詩二首

謝權逸民惠撻

題仁玉長老詩卷

在普興寺聞天使入京

次太和樓詩

次處仁詩

漁隱宅次成獨谷韻

鐵城聯芳集卷之二

容軒先生文集

詩

次李先生格詩韻

楊柳村村水滿地山河形勝是王畿謾勞車馬馳
周道未有涓埃補盛時任重一方心轉小眼經殘
郡寢堪垂羨君高卧烟塵外世事紛紜捻不知

沙川途中

沙川縣在積城傍山擁東西樹木荒應接偏慚煩
聚斂奔馳未見務農桑溪邊草色連朝雨雲外鍾

聲欲夕陽自笑征夫無暇日空令我馬獨玄黃

次廣陵板上韻

簷前松樹檻前花竟日登臨野趣多清賞晚來猶
未罷杯盤錯落燭生華

普興寺即事

僧居寥落碧山隅雨後苔錢滿地鋪落日苦遭詩
興惱緣溪時獨步青蕪

寄利城君

長湍江上結茅廬畫紙敲針興有餘勝境倘容吾
卜等秋風歸去作隣居

寄麻田尹少尹

客行常道路病骨自酸辛何日清江曲歸來共卜

隣

撻燈

簿書紛滿案坐久更撻燈杜宇哭終夜月明山萬

層

次時出亭韻

園茅臨野渡微逕出榛荆七里當年釣三間此日
醒烟籠寒水白山透小簾青地僻經過少萎苔自

滿庭

在檜巖寄朴知申事錫命

逍遙洞裏久優遊天寶山前又小留京國故人安
穩未暮天雲樹屢回頭

次鐵原東軒詩

北關晴望盡交州過客難禁一片愁草沒古都明
夕照蟬鳴喬木動新秋山容水態無興廢世人
心有謬悠不用登臨傷往昔也宜觴咏作良遊

安峽

行盡千山到僻村清溪一曲數家存民淳不慕繁

華事但務農桑教子孫

次聚遠樓詩

繁華雖減舊形勝
尚留今野閣連滄海
天低襯碧岑涼風吹榻滿素月
照牕臨坐久清無寐翛然世外心

次江華詩

脩程通海島古館倚雲岑
林僻溪聲響簷虛月色
侵床風清細細庭樹綠陰陰
聽得居民說昇平正值今

次侍中樓子野詩韻

久客登臨倒玉舟
高吟未覺遠來遊
日長挂笏山

當戶夜靜鳴琴月滿樓過嬾任他違世用無才恨
不鮮民憂田園稚子應相候莫使歸期有謬悠

大同江舟中

朝天石下泛蘭舟與客携壺作勝遊堤上繁華平
壞路林端隱映永明樓中流剩得滄洲趣終日都
無塵世憂縱目騁懷還太息年光江水共悠悠

次柳判事謙詩

大同江上照文星崧岳山前舊友生酬酢一歡春
氣暖留連萬舞月華明不堪遠別久為客可忍相
邊還送行京國追隨期歲暮他時莫忘此時情

述懷呈顧齋

事親日短事君長有底年年客異鄉回首大同江
上路春歸樹木又蒼蒼

次靜州板上韻

朝家曾事大塞俗得安居不見干戈苦誰嗟倉廩
虛江深雪消後山好雨晴餘幸此無塵雜裁詩手

自書

西望日寺

望日招提古臨江殿閣清峯回樹陰合潮退石棗
生斜照歸帆影長汀落鴈聲留僧終日話心遠更

無營

次李大提學行留別詩

紅妝畫舸泛長江客裏清遊信少雙南浦邊頭相送後將詩誰與倒秋缸

介州樓

登臨歲月暮天氣冷衣襟野渡層冰合山蹊積雪深浮雲時出岫倦鳥夕還林自媿長為客悠悠一寸心

次仁玉長老韻

梵宮牢落掩柴門僻近城南類遠村一夜東風吹

雪盡萋萋芳草憶王孫

谷山鄭使君寄詩次其韻

江雲渭樹迥參差俱是東西作客時長笑陶潛偏嗜酒每多鄭谷早能詩嬌兒解唱皇華什勝友難同金屈卮昨夜梅花開一朶看梅此日倍相思

奉呈顧齋

一辭北闕丹墀三見西都白雪莊鷁難禁越吟歸期宦在何日

贈湏水漁人 金虛舟

漁人生活未全貧翦笠蓑衣與釣綸好是春風方

浩蕩江湖何處不容身

雨中寄卞春亭

數間破屋雨聲酸杜老床床捻未乾想得藏身曾
不出何入特地訪蘇端

寧州南院樓遇李同年

室

渡水穿山獨問程故人相見眼雙青樓邊更有停
車輿白日杜鵑吟翠屏

次淳昌樓詩

左右長風至清涼恰似秋登臨知勝境來往絕庸
流苔色池塘古竹陰庭宇幽倚欄還北望三峴有

高樓

寄慶尚咸使相

四方曾攬轡今日又觀風山海數年別琴尊何夕
同浮名皆老大交道自兒童努力宣王化令民見

召公

次愚上人詩

青山萬疊水千重蘭若遙遙隱碧松灑露楊枝常
在手隨風雲片杳無蹤觀心不顧庭前栢愛客誰
聞飯後鍾想得跏趺終永夕只應明月照簷峯

次金虛舟詩

思君日日暗生愁別裏經春又到秋早晚手持一

竿竹清風相對釣魚舟

題高叅議詩卷得朝字

海上光芒照九霄始知星子已來朝官高工部身
仍貴世掌耽羅志不驕魂夢夜尋鄉土曲衣冠晨
惹御香飄黃花佳節聞佳會病客還慚未見招

丙戌十一月二十日夜雪

西峰寒日暮萬里凍雲凝牕外三冬雪床頭半夜
燈擁衾全似鐵呵筆更生冰欲向梁園醉其如酒

價增

幽居即事

清晨盥櫛戴烏紗坐此茅茨一殼蝸酒滴槽床疑
有雨雪飄庭樹作飛花明牕點筆仍題句碧澗敲
冰自煎茶客至從嗔還閉戶年來過懶愛無譁

用前韻呈春亭

朔風發發惄輕紗宦路區區等戰蠅吾道自悲絲
欲染君詩曾夢筆生花病餘催釀杜陵蒸睡覺仍
煎諫議茶積雪盈庭人寂寂瘦兒索飯獨喧譁

寄白雲山焙上人

隻字遙傳落塵寰知師住錫白雲山雪深溪路無

人過松下巖扉盡日關

寄廣陵柳牧使

紛紛世事與心違秋日清遊謾有期幸此漢城無
箇事欲尋床榻共談詩

咏蓮

風來水面遠飄香淨植亭亭異衆芳料得濂溪當
日愛非關翠蓋與紅粧

寄李牧使 安愚余之同甲

停雲杳杳隔長途朔雪漫空歲又徂形役自憐身
已老問君渾似舊時無

寄慶尚咸監司

思君南望海雲臺
官廨清遊問幾回
聽說梅花開欲遍
如何不寄一枝來

走筆送永嘉君奉使中原

遙遙天路指南臺
歲暮離愁未易裁
酌酒與君與
盡醉黃梅初熟始歸來

送玉川君赴京

鍾鳴金闕曙光明
使節飄然出漢京
少日學宮曾托契
去年盟府共書名
雪消海北山如染
雨歇江南草自生
何用臨分相惻惻
即今夷夏值時清

寄許衡得碧字

屈指予所知如君未易獲昔佐關西幕運籌無遺策從茲遠立揚餘子徒役役豈意遭聖明山林却投迹卜居近青山無夢尋紫陌七里聞于陵三逕憶彭澤垂釣江上雪彈棊松下石對月鳴素琴看花岸鳥幘萎興自四時一笑天地窄自謂羲皇人光陰任過客名駒有疾足豈是終伏繩埋劔有光芒豈是終棄擲吾王方側席會見振長翻相思望停雲漢南暮天碧

送偰判漢城赴京

使節煌煌照綺筵清風杜閣舊儒仙爲詩餘事還
無右專對何人得在前三節傳家知積善一身許
國共推賢料應敷奏龍墀日雨露偏承降九天

次四佳亭詩

雪消風暖巖芽肥野雉近人嬌不飛昨夜亭前微
雨過杏花開遍映朝暉

蛙聲閣閣雨絲絲無數荷花滿綠波遲日樹陰人
不到科頭箕踞獨吟詩

風露淒淒木葉黃芙蓉落盡菊初香有時垂釣清
江曲回首蘆花滿岸霜

歲暮風寒酒價加對爐時復自煎茶兒童錯料枝
頭雪爭報園梅已著花

次韻送朴咸豐之任

昭代頗為郡能名 聖主知兒童競迎候故舊惜
分離地暖梅花早琴橫月色遲時時應得句數寄
慰予思

次韓少尹詩

踈牕日射弄飛埃覓句還慚未有才玉子文楸塵
已合手談何日得相陪

次古人欲歸詩韻

茅茨依綠野門巷隔紅塵盤谷居民少杜陵隣舍淳漁磯堪屈膝禪榻可容身未作歸來賦多慚千

載人

勸學

無聞吾今愧滿顏鏡中空嘆鬢毛斑詩書勤向少年讀一簣終成九仞山

次金教授詩二首

白駒在幽谷毛骨自權奇相憶不相見空歌伐木

詩

塵事村中少梅花雪裏奇放翁才思妙能得幾篇

詩

題真觀社浴室

梵宮寂奇絕旁圍山嶂屹主人曹溪老吸盡西江
闊餘事盡入神好客意真實留連共休沐軟語聽
終日飯冷薰海山茶果雜柿栗所願不外求足以
相怡悅此身雖塵寰素心在巖壑安得被接引霞
上度歲月半夜吟思長松聲響風雪

伊彥村家即事二首

冰合前溪雪滿峰地偏來徃捻無蹤家家苦被催
租急婦女相呼入夜眷

茆屋寥寥對雪峰山中宰相此投蹤老婆却恐饔
飧乏斗粟朝來帶雨眷

尚州新樓并引

永樂三年冬十月宋君因來守是邑治具畢張百廢俱興乃慮客館之卑暑遂作新樓于風詠亭之舊基其制度得宜宏麗清爽甲于一方余於六年秋七月受巡察之命來與宋君共登斯樓不揆鄙拙仍題近體詩一首

百尺危樓客館東朱欄碧瓦映高空藕花新沐經

朝雨槐樹長吟盡日風拄笏滿廄山色裡鳴琴當
戶月明中我來乘得登樓興欲寫新詩愧不工

次星州東軒詩

暑氣南方特地加那堪病客遠相過名軒幸此憑
風迥簷外陰陰綠樹多

次燕子樓詩

鸚鵡洲邊芳草青藤王閣上落霞明箇中亦有當
時興舉酒臨風物外情

樓臨山海幾經春簾布琅玕不惹塵獨倚前楹遊
目久清風淡月似留人

次永嘉樓詩

樓閣秋生枕簟清登臨王粲不勝情倚間慈母應
相望有子那堪嶺外行

次襄陽曲

襄陽山高秋空晴襄陽水遠西日明爺娘泣送兒
女行途人惻惻渾傷情

次甫州板上韻

嶺外曾聞有是州今來偏喜上高樓晴川日暖銀
魚戲曉洞雲閑野鹿遊樹繞簷楹金氣早山臨几
案翠光浮吟餘直欲題新句姓字還慚板上留

次驪興樓詩

紅蓼花邊水滿江蕭蕭秋雨灑船牕漁歌互答朱欄外半日登臨興不雙

風來樹影漾澄江雨後山光滿八牕却憶當年樓上醉婆娑紅袖舞雙雙

次龍宮樓詩

衰年偏媿不曾閒日日馳驅客路間幸此登臨仍縱目八牕圖盡謝公山

次咸昌樓詩

地古饒喬木樓高近碧天思君無戀毋回首夕陽

邊

寄江原尹使相

停雲北望鐵關遙
秋晚邊城木葉凋
獨立蒼茫無限意
一尊何日更相邀

次清道樓詩

客館階南面僧院
北頭池清不受暑
軒迥別留秋古岸
長林暗晴溪斷靄
浮山前種瓜者莫是故

秦侯

送杉庭

歸思飄然未易留
脩程遙指海南州
白蓮結社知

何日愧殺紅塵又過秋

次東菴詩

雪中花木裹危臺
惆悵孤雲不再來
淡月清風間
幾歲欲尋前事少遲徊

轅門効戰夜光明
邊將令嚴神鬼驚
已使倭奴知
德教何煩武備振威聲

次善州樓詩

雨後溪山盡擣新
高樓百尺不栖塵
風來左右清
魂骨暑氣何曾惱殺人

題彥陽東軒

仲冬風日似春陽四季花開映短牆慈母未知南
地暖應將手線作衣裳

戲贈安司諫

七點仙山俯海湄遠遊能得幾篇詩異方塵染衣
裳盡湏喚山前濯錦兒

次雙梅堂月影臺詩

書生過此尚含羞將士腐心知幾秋直欲張帆仍
制梃奉天問罪海東頭

次固城詩

杖鉞重來海一邊醒吟楚澤憶年前升沉祇是催
十四

人老白髮如今已颯然

哭恩門陶隱先生

文章星斗耀秋旻
節義如公有幾人
還憶錦城當日語
不禁揮淚滿衣巾

呈秦典農

永貞南畔碧山阿
栗樹扶疎隱者家
敢道當年深托契
客中曾不一相過

題開寧門樓

南行苦炎熱
一上納微涼
喬木千章老
高樓百尺強
日移踈竹影
風動碧荷香
坐久無塵想
長吟到

夕陽

次梁州詩

郡樓高壓古城邊
板上留題憶昔賢
百里湖山開井邑
一軒風月屬詩仙
柳條弄色新晴日
竹樹橫陰夕照天
已認宜春真樂土
漫漫平野是良田

次金剛舍詩

一檻奇觀自四時
壁間留得古人詩
與君竟夕觴還咏
此會應為後日思

地盡蒼溟近簷虛
月臨門闈花樹下
路出竹林

陰

次蔚州太和樓詩

官解初尋寺僧閒不閑門山光水色映晴軒詩景
自成繁古調聞瑤瑟高吟倒綠尊歸來長笛月明
昏前路曲通村

平遠閣

歲遠無遺閣江空不見船昔人行樂在何邊草樹
獨惹翠村逕連官道山雲雜野烟客中遊興轉淒
然健筆憶臨川

白蓮社

雪作蓮花葉波生竹簾文老禪面壁默無言妙法

恨難聞白髮身將老紅塵眼欲昏何時結社學高
論今日又殘曛

碧波亭

古郡臨鯨海幽蹊遠鶴汀欲尋往事上高亭卧碣
已殘銘遠水連天碧平蕪滿地青誰家長笛惄人
聽懷古涼空零

隱月峰

新月如明鏡危峰似翠華磨天數點聳嵯峨藏得
一輪斜不聽驚飛鵠空看欲落霞停盃知是謫仙
家早晚照陵阿

望海臺

臺迥臨無地天低接大洋鯨波浴日動晨光萬頃
共蒼蒼風起潮聲壯雲開帆影忙倭奴不得犯東
方處處務農桑

次浩亭留別詩

漢城南畔送將旋草色青青霽景鮮堂上慈親年
八十遠遊烏得不潸然

次雞林東軒詩

一寸王業舊邦家回首難禁客恨多宮殿遺基春
寂寂野桃擣故昔年華

脩脩翠竹密蔵家地近蓬山勝事多
昨夜霏微山雨過牡丹庭院富春華

次松生韻

松溪雨過水初生山路日斜人不行
滿樹梨花滿月啼鵑不歇夢難成

寄光山金同年

能吟雄辯憶曾聽相見何時眼共青
軒冕無心高

卧地竹林深處一翁亭

每逢南使問平安雲樹遙遙會面難
聖主即今方側席可能隨意卧東山

寄豐海咸使相

秋風一別又經春
縹渺停雲愁殺人
聽說君今還少壯
自慚多病髮絲新

寄西都朴使相

天南天北路茫茫
促席何時共詠觴
我昔久遊箕子國
當時相識摺難忘

次金山詩

榴花分戶映荷葉
滿池浮白日杜鵑哭
山深幽事稠

次黃澗樓詩

稠

結構凌空迥來登盡日留瓊峰當檻秀金磽抱村
流路出長林外城臨大野頭還疑仙境裡駕鶴馭
風遊

寄金教授

五月榴花滿樹時連旬淫雨政離披江流泛溢經
過少暑氣煩蒸坐卧疲心為苦吟長廢事鬢因多
病漸如絲相逢一笑知何夕北望停雲有所思

次順興樓詩

心事年來喜謬悠更堪登此仲宣樓側身西望朝
天路華岳蒼蒼俯漢流

自玄風往昌寧雪中次金直講詩

吟肩山聳雪初晴政是襄陽昔日情眼底三千銀
作界怪來詩思不勝清

江山處處絕相過倦客披蓑路正賒白雪似嫌春
色晚故教千樹作梅花

次草溪鑑政樓詩

一區山水絕纖塵禾黍離離霽景新半日登臨多
興緒清風真箇似留人

次昌寧龜庵四詠

桺嬌杏艷龕頭清芳草茸茸雨乍晴此日登臨雖

信羨吟餘難禁故鄉情

綠樹陰陰畫刻長風生高閣簾紋涼一庭踈雨經
過少無數榴花照粉牆

琪樹西風海上州樓臺佳處作清遊黃雞白酒村
村路父老相將慶有秋

鶯月階前蕊早梅清香細細逐風來訟庭寂寂無
餘事積雪皚皚絕點埃

次朴松溪詩

異鄉難得一清遊况是經旬雨未收早晚風吹雲
散盡共乘明月賞中秋

己丑歲日與安司諫次古人詩

南郡非吾土京華憶老親
那堪新歲日猶作異鄉人
雲水宜投迹田園可養身
如何被形役馬上又逢春

次永嘉君暮春詩

渠柳陰陰燕學飛雨餘庭畔鎖苔衣
百花落盡春將暮便合歸田媿未歸

塵事紛紛易搜時落花飄絮使人悲世間誰是長
年者綠髮無端成素絲

尹愷妻氏挽詞

勤儉家聲著貞嘉婦道宜鼓盆徒自苦奔月已難追落日蒼山麓寒烟綠水湄郎君相識久執繡倍傷悲

劉副令村舍偶吟

暇日山村訪故人柳陰茅舍俯溪濱他時倘得歸田去賣劒求牛定卜鄰

次閔執義詩

向晚清風左右來憑欄問月獨停杯先生本自有佳句安得同吟一笑開故人倘許抱琴來相對何辭復一杯想得僧居人

寂寞苔蘚終日不曾開

次朴生詩

幽人本與世相疎獨向青山卜結廬宦路難為頻
會面從今恐有絕交書

次襄山人秉詩

霞上歸來獨倚樓風清月白桂花秋百年形役徒
勞耳直欲尋君萬事休

日日登臨費越吟客中容易變光陰拂衣直欲尋
君去其奈難忘報國心

紛紜世事不曾知卧聽溪聲十二時竹檻松牕間

日月應乘清興數題詩

功名富貴視泥沙閒占溪山作一家讀罷黃庭無
箇事籬邊學種故侯瓜

當年束帶立朝端衣染塵痕不自間鄉曲歸來心
自適浪吟風月醉醒間

送朴牧使之任公州

我昔南遊日再登江上樓山前橫驛路林下繁漁
舟地僻風烟古春深樹木幽此去樹佳政何用抱

離憂

賀鄭司諫

昭代除司諫才名獨蔚然霜蹄開道路風翻得秋
天紅映當階藥香飄滿袖烟有時封事罷題咏鵠

孤騫

走筆寄仰巖崔同年無呈法泉珪上人
上人寺在碧山陰故友門臨漢水濱會向春風賦
歸去芒鞋竹杖日相尋

次獨谷錢金海金公詩

傷心老來易臨別渡先潛歸路東南極交情伯仲
間鳴琴宓子閣柱笏謝公山何日一尊酒相邊更

展顏

謝李參判送榧

僻近城東有小臯故人曾此種仙榧笑他方朔勞
偷得手摘時時惠我曹

次許栢亭詠梅

有使敲門惠來傳長者詩始知冰雪裏生白動南
枝

香分庾嶺樹興逸放翁詩且問玲瓏蘂如今着幾
枝

次櫂逸民送梅竹盆詩

清香偏愛矣勁節可欽哉坐對無塵想羲經盡日

開

灼灼春艳李歲寒安在哉梅花底心性獨向雪中
開

猗猗淇上態馥馥嶺頭香感子能培養憇憇寄草
堂

閒居即事

地僻罕人事幽居近古城雨晴花亂叢風暖鳥和
鳴藉草溪邊坐尋芳樹底行青春無限景容易動

詩情

幽居淡無事寂覺野情多雨過山如染春固物自

華壺觴獨怡悅禽鳥共吟哦時復空庭畔聊行踏
軟莎

呈卞先達

呼兒閑柴戶忍病坐朝暉詩句憑愁得蒲團趁暖
移地偏人不到院靜鳥爭飛日欲共談話何時慰
所思

有感呈卞注書

歲月無停期四序迭相侵百年若大夢胡為憂其
心庭宇無塵雜獨坐鳴素琴悠然聽鳴禽嚶嚶求
友音感此還有懷舉酒不能斟卞公誠志士遑遑

惜寸陰所以當妙年令譽振儒林嗟予復何者馬
牛強裾襟區區為物役世上徒漫漫

秋夜寄友人

坐久塵喧息蕭然自詠詩霜餘秋氣重夜永漏聲
遲松子風前落樓陰月下移通宵清不寐戀戀獨
含悲

海棠

雨過溪頭發海棠紅衣瀾漫映朝陽無端忽被微
風觸暗送清香入酒觴

寄友人

風暖溪山霽景新浪吟何處賞陽春相思不見門
前路楊柳青青愁殺人

春日訪栢亭

扶杖尋蘭若行行上翠微採花香滿袖躋險石拘
衣日暖鳥聲變山深入語稀相逢展懷抱月坐
忘歸

登樓

登樓散遊目詩句得清新柳暗千門雨花濃萬樹
春彈棊消永日把酒任長貧地僻經過少門無車

馬塵

地僻交遊絕還堪獨詠詩兩苔依砌上烟柳漾簾垂花落春將暮鳩鳴日正遲何時與朋好同舉濁醪卮

宿開聖寺

精舍寥寥絕世情坐來偏得客魂清滿山躡躅溶溶月夜半子規三兩聲

宿觀音寺

千山一條路步步獨來尋地僻人難到峰高日易沉瀑流鳴亂石寒磬出疎林寂寂無塵想煎茶對

月吟

贈虛上人

寂歷春山裏逍遙意味多穿林晨採藥燒竹夜煎茶
幽鳥弄遲日輕風吹落花從今數來往促席共吟哦

夏日懷友人

日永輪蹄絕人稀院宇深階花風半落渠柳雨初陰
嬌燕能輕舞新鶯學好音思君不相見獨立費長吟

長吟

尋僧

尋師白雲裏躋險到仙宮陰磴經春雪長松盡日

風鍾鳴山色暮門掩月明中寂愛一宵話能令萬

慮空

遊山

天淡雨初晴遊人叢興清山坡秋色淨樹杪晚風
鳴石路披荆去松溪渡水行高峰僧舍近隱隱暮

鍾聲

閑中

閑中獨坐詠新詩興味悠然雨後時一逕落花人

不到綠陰終日聽黃鸝

燈前聽雨

夜深庭院絕塵囂
一點寒燈照寂寥
百感中來吟未穩
簷前松竹雨蕭蕭

寄姪

數年遠為別情思
惟日新道途諒彌邈
有如越與秦相思
不可見回首增愁辛
讀書崇令德可能致
此身幼年不努力老至徒傷神
予聞不學者無物堪比倫
寸陰莫虛度日月不待人為言
服我規勿忘書諸紳

次順州詩

疊嶂圍平野脩程繞大江
地清人寂寂心思坐來

降

次成州西樓詩

有酒何須問酒泉
宜觴詠碧江
前千年地僻風烟古
十里巖回樹木連
水面初肥過夜雨
山容漸瘦暮秋天
宗工當日留題壁
欲和微吟却惘然

次浩亭先生韻寄卞司藝季良

京國松山下
西都湊水頭
雲橫夫子廟
秋盡仲宣樓
濟濟斯文會
涼涼客子遊
何當同一笑
相憶未

曾休

奉呈東北界監司

多病誰憐我清談每憶君東西連北境何日共論文

次永寧東軒詩

山圍四面是天城城外良田接海平為報主人數
德教坐令耕鑿稱民情

次龍州詩韻寄友人

知我曾襟憐鮑叔居民身世見無懷薰蕕野外海
天闊楊柳池邊村逕回待得春深花正發重來共
酌看花杯

次兵曹正郎李兩同年 李室李敢詩

三年為客大同湄東望松山有所思紫洞早知仙
境界遊人應與雨雲期

次湏水漁人韻

漁人舊比丘寄迹大同江鱸膾元無敵鷗盟亦少
雙隨風搖桂楫伴月宿船櫓我欲相尋去此心何

日降

黃菊

聽說陶家一逕栽何人移得數枝來似嫌紅紫爭
春色還向霜餘獨自開

一叢黃菊玉盆栽風過寒香細細來陶令未歸時

屢改東籬霜藥為誰開

次虛舟卷韻

當年高卧水雲間
此日端知行路難
一自山人逃佛後
祇應棖鶴悉深山

次李少監詩

華筵今日為君開
紅粉三行酒百杯
相對笑談皆故舊
共聞歌吹更遲留
蘭燈影靜明如畫
羯鼓聲高殷若雷
珍重先生贈佳句
吟來足可瀉愁懷

大同館落成

歡極冬宵却不長
吳姬越女儼分行
風情自是無

窮者歌舞前頭快倒觴

新樓百尺壓江長座上佳賓列鴈行
歌舞夜深多勝事仙娥來獻萬年觴

三年塞北客愁長宦路人心勝太行不願大夫醒
楚澤欲隨陶令醉壺觴

立春日次虛舟韻

春暉漸與客愁長病裏餘生付藥方自愧賢勞偏
在我去年中國亦觀光

三年客裏恨彌長悔殺當年志四方携幼何時還
入室笑談相對一燈光

訪春亭不遇

故人茅屋碧山阿
官暇來尋日欲斜
索筆慙懃題姓字
為他僮僕報相過

用前韻呈春亭

茅齋寂寂翠微阿
秋日淒淒細雨斜
自料平生偏愛客
故人何事不曾過

用前韻

別後園梅幾度酸
相思淚點不曾乾
自多今日追隨地
茅屋連簷山兩端

用前韻

毀譽從他墨與阿何為獨泣路歧斜此身真箇同
泡影百歲爭如醉裡過

李典書挽詞

落落風儀獨老成歷揚中外有賢聲謂為柱石扶
王室忍見銘旌導去程

寄呈許敬差官該無呈廣州柳牧使謙

廣陵從古號繁華賓主詩中捻大家滿座清輝臨
玉樹驚人麗句吐天葩翩翩妙舞飄羅綺細細嬌
歌雜琵琶宦路東西難會合想知今日興無涯

以詩答焰師書

白白雲橫疊疊山。禪房隱映碧松間。猿鳴鶴唳無

餘事。牢落踈籬不掩關。

送許公之任公州

雞龍山下錦江清。江上閭閻是古城。今日使君馳
五馬。冀黃鳥得獨名聲。

修形庵在錦江旁。釋老嚴公借一房。聽說年來生
活淡。草衣蔬食度炎涼。

次友人韻

詩律清新逼正音。難將雜佩報雙金。嗟予畫鵠終
安用。羨子名高翰墨林。

次李高城詩

今見君詩句句清江村勝事說分明此身苦被塵
緣縛物外佳遊愧未成

芳草萋萋溪水清溪邊柳暗又花明先生好客村
醪熟會向良辰一醉成

次春亭韻

春深弱柳綠千條雨後桃花樹樹嬌驅使即今詩
酒在故人何用問山發來詩有且問君家有酒發故云

次權觀察使詩

且問何人獨解棊祗知吾子最能詩桃花開遍真

堪賞携酒招尋莫負期

僧伽寺次孔漁村詩

佛刹依巖底天花落講筵高蹤尋碣石清聽愛風
泉一水白連海三峰青挿天坐來塵想絕從此欲
遙禪

題日本僧松泉幽處卷中

岩堯蘭若俯層岑中有高僧即道林滿地松陰連
講榻一泓泉水照禪心青青獨挹凌霜節混混能
成注海深回首扶桑都不遠因風莫惜報微音

太宗大王挽章

天眷三韓降 聖神恪勤侯度保東人興王大業
傳王季濟世隆功邁世民 日月照臨開泰道乾坤
造化撫洪勻殊恩特被淪肌骨每見羨牆泣滿巾

題普興寺

白雲深鎖梵王宮石徑縈回萬木中攬轡未能宣
盛德對僧端合學談空

寄忠清咸使相

黃驪樓壓大江頭詩酒何時共勝遊水遠山長雲
杳杳春風難禁憶君愁

次麻田東軒詩

門外栽桑復種麻
官家寥落似村家
客中乘興尋詩處
雨後薔薇一架斜

久客憂端亂似麻
此心非是久離家
元元未得安耕鑿
終日負柴山路斜

次臨津亭詩

何人卜此起孤亭
山水奇觀別有名
自愧驅馳詩慙廢
謾吟霞鶯倚前楹

在檜巖寺洞裡呈知申事

好隨玉輦此來遊
綠樹重陰盡日留
左右清風吹不止
獨乘幽興掉吟頭

憶昨安和洞裏遊每逢佳處共淹留如今寂寞逍遙下案牘勞形欲白頭

次陽川亭上詩

坐看流水共長天十里奇觀几案前牧笛聲飄村
樹外歸帆影落夕陽邊舟人夜語聞明月野店晨
炊見白烟待得秋風魚稻羨湏將詩酒更開筵

謝萬義贈扇

天地炎蒸夏日長驅車到處熱中腸晚來始得山
中月無限清風灑面涼

招張議郎

暫別崧山下如今已二年欲將舊談笑相對一懽然

次張議郎詩

伊彥村莊俯大川與君垂釣約他年此身縱被浮名絆一片歸心已浩然

在蓮亭招尹教授

亭榭舍風俯綠池雨餘雲錦政離披喫茶時復尋詩句除却先生更與誰

贈金獻納跋

鵬天流落到花時獨掩柴扉白日遲為報寬心詩

酒是客中觴詠不須辭

次安山東軒詩

獨坐東軒望碧山，禪宮隱約白雲間。
乞身何日尋僧去，卧聽松風特地寒。

寄一雲上人

法泉寺在仰巖東，雉岳山高倚半空。
何日閒尋田舍去，焚香相對聽松風。

題安東浴室

庭前吏散月華晶，樓下溪通夜氣清。
客子思歸懷抱惡，無端舒嘯賦秋聲。

題映湖樓 拙遺

今年又作嶺南遊
行遍南州到福州
地僻堪誇人尚儉
亭閒不覺客
凝眸山川豈為興亡
改風月應湏左右
半日登臨曾次盪
欲歸未去重淹留

永樂年

永樂年逢茅一春間
居自是葛天民半酣
白酒有真趣
坐對青山無俗塵

次楊州東軒詩

為客幾回經此州
流光冉冉又將秋
觀風自愧元無補
遇事方知未有謀
慷慨范滂曾攬轡
悲涼王

粲獨登樓公餘欲和陽春曲徙倚沉吟半日留

偶吟

從來多病故人疎不見高軒到草廬寂寂簷楹風
日暖獨凭鳥几檢方書

夜飲呈坐上諸公

地僻茅茨若在郊門聽半夜有人敲世情擾擾偏
憎悅生理悠悠即幻泡燒燭幾回文字飲盡簪俱
是布衣交追隨自喜深攜染努力詩書不暫拋

次古人韻

山室淨如掃竟無塵事生南窗日照暖北牖風含

清微徑繞寒澗疎籬依古城地偏寡輪鞅剉得羲

皇情

日日渾無事乾坤謝此生名途衆眼白虛室寸心
清葉赤秋深岸松青霜後城吟詩曾未已月露獨

關情

次延山府板上韻

三年都察理奔走竟何功白面炎涼變母心出入
同脩程猶積雪短褐不禁風安得能宣化村村濟

困窮

次陝川澄心樓詩

南方思避暑舍此更何尋風月閒中地溪山世外
心蟬鳴嘉樹密魚戲碧池深苦被詩情惱憑軒放
浩吟

次會元樓詩

與君登眺似曾期風滿樓臺白日遲翠蓋紅粧相
掩映賞蓮仍和古人詩

次嶺南樓詩

危樓高架嶺南天十里奇觀一望前晝靜灘聲喧
枕上日斜松影落庭邊田夫春務村村雨野店晨
炊處處煙憶得先君曾無會還慚小子復張筵

次榮州東軒恩門鄭侍中詩

湖山佳處有孤城座主曾題板上名光焰至今明
萬丈蹇驢休笑昔年行侍中詩旁人莫笑蹇驢行故云

次金獻納詩

瘴雲漠漠雨霏霏獨向丹陽何處依節換三春花落盡地偏東海客來稀思歸自有愁無奈題句時看筆若飛明日應承宣室召賈生何用涕霑衣

次卞春亭詩

二年獨在嶺南寧北望三峰極渺茫又是薔薇花欲謝共君何日引杯長

贈閔執義灤謫寓商山僧寺

孤城非故國勝友是中參愁鬢數莖雪清容一段
水詞華凌鮑謝學業效顏曾何事觀音寺寥寥對
佛燈

同年賢執義去國此停驂役役悲前事間間愛半
酣江山催秀句風月入清談明日還京國君能憶

嶺南

次靈山樓詩

泉甘木老好山村白日官閒半掩門時致豐平曾
偃武農家子亦能文

次盈德城樓詩

天南為遠客海上上孤城雲斂暮山碧雨餘秋日
清長流繞南陌佳樹得中庭即今邊警息處處謳
絃聲

偶向城樓上上頭與君談笑亦風流一區山水疑
仙境十里人烟是古州

次春亭題嶺庵詩

庵在翠微上餘生不自營倘容吾着膝相對學無
生

送金大卿之任商山兼寄朴江陽

相逢足可慰相思歲暮其如又別離商在嶺南為
巨邑自慚山簡醉當時

南望澄心有所思去年登眺未離離雪中梅蕊繁
開未別裡偏驚易改時

次明正庵詩

吾師庵子頗明正出定時時發清詠嶺上浮雲迹
共閒軒前流水心同淨夜深書榻燭花偏晝靜禪
牕香穗永被羨當年結社徒我今亦欲遙置競

又次明正庵詩

人皆趨利名師獨異於是寄迹雲水間遊心風月

裡紅塵未拂衣白髮欲垂耳咫尺南山陲還同萬
餘里

生活本來從淡薄肯於塵世慕華劇機心妄想已
消盡饑食困眠聊自適月下敲門訪道人松陰下
榻邀詩客喫茶相對頓忘歸十笏禪房抱虛白

謝權逸民惠柂

逸民家在碧山陲手摘仙柂寄所思聽說千年方
結實他時莫忘再相貽

題仁王長老詩卷

乘春多暇日尋寺問前程松影樓臺靜江聲院落

清從今同結社坐此學無生不是輕軒冕難禁物
外情

在普興寺聞天使入京

逍遙山下鑾輿駐興義門前玉節臨此日一身兼
兩道斜陽回首捻關心

次太和樓詩

公餘隨意上高樓地暖冬天却似秋山聳奇峰分
萬點江交巨海自東流梅花初發雪晴岸草色遙
看雨後洲待得春來增景槩會將詩酒此重遊

次處仁詩

村逕紫紆碧澗邊山光隱映四廩前我來獨向松
風卧遮莫炎蒸日似年

永樂丁亥駕幸驪興府第許令后妃
輦至講家人之禮府院君大夫人俱壽考
康寧以承榮養與領議政獨谷成公賦詩
以賀補遺

祖先陰德格旻蒼開府驪興迪吉康鬱鬱澗松舍
睨翠汪汪陂水淡秋潢燕居洞掃重敷席
鸞駕親臨爲舉觴列侍外孫皆撫養
本支千歲作君

鐵城聯芳集卷之二

聯芳集卷之二

三十九

附陽村權先生贈行詩序

時容軒公
出尹平壤

平壤箕子之古封也八條之教民知禮義及朱
蒙氏以來習於騎射其俗遂變雖隋唐兵力之
盛莫能下之其驍勇雄強可想而知已王氏統一之
後以爲大府必擇將相大臣有威望者以尹之
兼總一道軍民之務國家公而不革其選尹
尤重且謂尹居于一府不肯巡撫諸州其宣化
偏而不咸宜別遣使以分其任於是尹治一府
使制一道爭權抗禮牽不相能故未久而復併
如是者再矣永樂二年春廟議又以分任爲宜

啓聞于止慎簡庭臣先遣南陽洪公恕爲都
巡問察理使繼遣鐵城李公爲平壤府尹二公
皆以世臣之胄扶翊

殿下協心佐命同婕勲盟情猶兄弟者也是必敬
愛交至可否相濟并力一心共成其治使之宣
化必咸於諸州而不偏尹之治政能專於一府
而不繁且其相接以禮而不抗有其美而無其
患者自今日始矣此國家所以分任之意而
二公亦以自期者也李公將行左政丞浩亭河
公右政丞獨谷成公咸以詩贐賡而和者若干

篇使予序予惟李公乃祖文貞公再爲冢相保
又王家清德雅量蔚爲高麗名臣之首乃父文
敬公忠誠謇直譽望夙著爵齒不究以遺於公
而公以英偉之姿寬厚之量佩服詩書以承祖
父之緒遭遇聖君推誠翊運以與宗盟之列
可謂無忝於前光矣今茲往也宜益勉之誠心
以應事正已而恕人不以物我而有彼此有不
獲者必自反而無怨尤惟孜孜焉盡職是務勵
驍勇而益固其彊圉明禮義而復美其風俗然
後可不負國家委任之意而他日入爲輔相

以繼文貞之烈者亦可由是而基之矣可不勉
哉

叔舅槐山郡守公墀以書命曰吾先祖父平齋容
軒兩公所著述散逸殆盡僅能收拾家籍及人之
傳誦得詩若干首藏之箱篋久矣以吾子孫之多
尚不鋟梓以壽其傳以顯揚前光吾儕其敢曰世
其家業乎在天之靈其肯曰予有後乎每念至此
寢食不遑今幸尹壩觀察嶺南道謁於予予以是
諗之勸之刊板壞亦感嘆而諾之今將所藏元嵩
以徃汝其攷校編謄以成吾志允謙再拜而奉讀
如侍左右親聞聲歎而欽想德業文章相繼襲嫵
之盛不勝仰慕焉噫子孫之得目是集者孰無是

心而不欲圖其所以勿墜乎况又子孫之秉文筆者不少而叔舅之命獨及於予意其有謂其奚敢辭遂與工曹叅議李陸正其差譌而謹繕寫既又作族譜圖以弁卷首云成化乙未秋九月下澣外孫通訓大夫行軍資監僉正無承文院校勘柳允謙拜誌

外曾祖平齋外祖容軒所著古律詩若干首子
孫謹襲珍藏惟懼失墜欲繡諸梓傳之後世者
久矣適壞承乏慶尚道觀察使叔舅槐山守公
以從兄僉正柳允謙編集遺藁屬余刊之遂刊
于李氏本貫固城縣事已就緒竊念慶尚道於
吾家緣幸不少平齋曾為按廉使容軒後為觀
察使壻今謬蒙


上恩獲忝是職前後監司職事雖同而承流宣化
深有愧於二祖然使二祖之遺篇逸辭播諸人
口傳之來世則庶不負繼述之意云成化十二

年二月日外孫嘉善大夫同知中樞府事兼慶
尚道觀察使兵馬水軍節度使坡平尹壩叔保
謹跋



志軒
賦辭奇絕
鐵城
金骨山
頃
崇山踏雪歸
鐵人集

五
811.12
07792
V.3



134535 請番登録號

著者

書名

國會圖書館

古
811.12
6779
V.3.

贈

一九七〇年 肆月 十二日

寄贈本

志軒先生李公遺集序

詩出於性情而性情者固於氣氣者也氣有高卑清高和易之不同而詩之高之妙之微之方為余觀鐵城山三學聯芳集巍亭卓矣瓊瑰璀璨衆體具備直與白石益家如梅牧彷彿賢詩有弟比喉而聯脣三

學海已有忘耕先生詩集所
格力音韻不謬於杜遠祖孫
眉山父子通好一詩膾炙中州
人土口以莫嘵遠先生編
況為我先祖文忠公編戊午
黨籍特弔先生自發言半
詩曰此與李青蓮相應而望
劉夢得寒江月出之彷相上下

於數子輩之間首忘軒上粟節文
章無以濟其才不優自取羈艸致
誦些言以爲耆丘風雅當以鐵棟
山爲大山山須在南衙時道柳李叟
仁榮來問以深喜儀仍請忘
軒集弁卷後余曰此乞鑿門大
事盍勞清閑請之還之文李叟
曰謹今年夏清寫至人宜秀甫

与生族妙心序 周楨來言聯芳

集將付剞劂並嘗忘軒集一

以第付剞劂敢乞執事一言余

歎史而讀至曰先生之詩可謂衆

體具備而激越板樞慷慨直

主氣厚多為此庄拔何也嗚呼

先生躬身於

宣後歷隱凡遊不佔畧齋以

下臣之臣以孝友名立朝以忠節自

許激昂縮辱不供作以間從刺人

方庄被食三日嘵李慵烹園葵步

杏亭人言紅衣宦來歸而清撤某

先生笑曰未休命之多忙乞消散何

若撤幕了徐飲枰而金玉郎

人咸詬其庭力支持搖折如此奉鄧

隨之投池而死高古悲壯使人遠之不

覽耽晚教節徧忘流涕其如集
中諸作豈非年少之鄙字樹立先
兆於嗚悔怖矣渴吸之後立遺漏
捨著述今全史以十世傍焉盡心亦
不朽者存此可敬也夫謹書之以窮
附我先人編錄之遺意云

上之四年甲子天中節前都邑豐山

柳塗謹序

鐵城聯芳集卷之三 目錄

忘軒先生文集

詩

文天祥

戲贈

贈日本上人

秋懷

題扇面贈別師古

積石寺

太白翫月

到上窟

東窟二首

贈僧

次朴子行畱別韻

夜坐

謾成二首

曉坐

次子衍韻

世珍夜遣姬兒持酒致慰戲書以謝

贈姬兒

卽事

月下聞笳二首

寄贈二首

解縛雞以書

晨興

放鷹七首

病卧寄嶺南弟兄

書壁

寶山途中

鶴野

湯泉前溪午飯

義豐驛

贈遼陽河秀才廷秀

次公樂壁上韻

漁陽

孤竹君古城

次永平府書生邵駢韻

途中次健之韻

傷別

王昭君

松枕

箭郊贈別

硯滴

秋夜

題壁

古小雲

龍菴尋僧未遇

義相菴

大慈菴

梅竹

題榮川黃判官墅

題雲山驛

圓通窟

墻下柳槎

陽才

黃江

丹陽二首

豐基二首

陽川偶吟

浪翁贈別

漢江

忠州

杯

梅竹

五偈

金骨途中

到上窟

寄德優

海南別希醇

棘城

夏店題壁

通州

途中

贈別浪翁三首

三山踏雪途半

次清德樓韻

別友

偶成二首

即事效揚

臨津

松都

平山

鳳山道中得進退格

遼陽途中

次古韻

三义河途中

凌河渡口晚酌

曹家庄途中

灤河小酌

望海寺

次陽樊壁上韻

海印寺

開元寺

拜辭退朝次健之韻

應製

次映湖樓韻

歲戊午暮春同諸父諸昆季陪王母慈闈

獻觴于湖邊口號

次安邊東軒韻

次七寶亭韻

次永興望京樓韻二首

次柳子厚別舍弟宗一韻

金上舍林亭

次山谷雪韻

寄申漑之

次武皇舟中韻

登高

蘓浦泛舟

庚申夜

贈別辛點馬

成宗大王輓

夕陽聯句

聚散聯句

鏡城南軒聯句

贈義順百韻

穆清殿壁上哭亡友獻可名

越四日夜夢獻可

送子伯兄歸永安節度幕下

次山谷和子瞻韻

東陵瓜

解縛雞

蠹石

杜首山

次山谷次王炳之竹字韻

觀郡伯攤攢

退朝走書

賦

放白鶲賦

辭

和歸去來辭

瀛之水三疊辭送李旌義

龍堂口占江之水辭

七寶亭賞蓮辭

頌

河清頌

雜著

三山踏雪錄

金骨山錄

鐵城聯芳集卷之三

忘軒先生文集

詩

文天祥

蒼松凌直幹朝日射寒芒古今無以次天地愁純

剛

戲贈

兩箇桃花粉分來玉女真懸知因去日傳贈幽山

人

贈日本上人

綠歇殊方草黃催故苑林片帆秋一掛東海正深

深

秋懷

秋聲寒在樹雨氣暮連空歲月多天北江山阻日
東

題扇面贈別師古

君去春從去君來春亦來明年何處見西郭百花
開

積石寺

瓦笠穿松櫟沕溪過石橋晚烟生積雪斜日轉山

腰

太白翫月

風定松初靜波殘月不流開樽何處客斜倚石稜
秋

到上窟

鑿出危蹊架崖顛山雨鳴秋落葉填烟火有痕丹
竈冷紙錢空掛佛堂前

東窟

三間精舍半無存恠雨連林晝亦昏遠客有心吟
薄暮數聲高嘯濕秋雲

又

海山秋霽客來登瓶錫同携有野僧醉舞斜陽指
老健馭風還欲倚雲層

贈僧

沉湘枉死三間老賦鵬長沙賈少年穿衲七斤僧
不管滿山風雨獨談玄

次朴子行留別韻

一夜風霜曉不禁起看林杪已蕭森出門更與君
相別獨立天涯數亂岑

夜坐

陰風慘慘雨淋淋海氣連山石竇深此夜浮生餘
白首點燈時復顧初心

謾成

老憇風霜病益頑一簷朝旭坐蒲團隣僧去後門
還掩只有山雲過石欄

又

辟穀無方午一炊小牕斟茗飲無時僧來更覺無
閑處譜石評雲軟語遲

曉坐

淡淡星河向曉傾一林霜重月華生雲寮寂寂聞

僧偈即是山居分外清

次子衍韻

陰崖暝落怪禽鳴萬壑松林撼濤聲上界何人深
閉戶黃庭看了話三生

世珍夜遣姪兒持酒致慰戲書以謝
眼底千金唯是酒山中貴物肉觀音一谿蘿月禪
惄夜政慰天涯未了心

巫峽神仙綽約姿陽臺行雨未多時須臾化作西
王母宴罷崑崙駕鶴歸

贈姪兒

猩猩逕上足音聞放達如莊尚一欣遠謫海山今
五載月明其奈更逢君

卽事

木葉蕭蕭不耐聞賛房排戶納朝暎和鹽喫粥多
安飽更好松茶一味溫

月下聞笳

笳入李繼姜以罪謫來

夜氣清深白露鮮小庵僧與客無眠下界何人心
事在悲歌吹月過山前

霜空寥朗數聲飛裂竹穿雲更苦悲應是天涯同
竄者月明來此有心吹

寄贈

鍾聲敲月落秋雲山雨翛翛不見君鹽井閉門猶
有火隔溪人語夜深聞

又

浮世餘生秋後蜩百年雙鬢已蕭蕭樽前淚落月
如晝鵬鳥亂呼清夜遙

窟在山之絕頂村雞唱無所及頑童將鳴
雞縛置籠中余憐之手解縛以書

鑪香消盡夜如年戀主懷親白滿顛招喚老僧僧
亦睡最憐簷下叫霜天

晨興

海霧初消曉日寒僧軒坐覓有無山老鴉驚呼離
棲去忽過前林閑未閑

效鷹謫島時作

積雪競稜沒草根韓鷹飛下響山雲燬名五色風
前墮白日長陵霹靂聞

又

清溪刷馬日斜時擲上黃鷹冬栢枝炎俎肝肺
冷酒林邊沉醉是吾奇

又

毛冠走馬是王孫
佩酒南來朴叅軍
競發囊中陽燧火
角鹽傾瀉落紛紛

又

霜眸玉翮劍難侔
落日翻飛落遠丘
濺灑血痕看不得
忽驚雉尾上人頭

又

平生稽古老透愚
晚學山虞氣尚麤
一箭殪獐三步內
笑看原草血模糊

又

日落前山暝色催
飢旄搖尾最先回
鈴音更與人

置品至知是鷹丁較獵來

又

射虎南山陸放翁釣鱉滄海李翰林此老放鷹人
莫笑伐檀君子亦吾心

病卧寄嶺南弟兄

潮聲悲壯日啣山海上重陽百草殘病卧三旬曾
不盥望雲揮涕洗辱顏

書壁

忠失於君孝失親平生稽古負人倫南荒瘴海無
邊際投與魅魑只箇身

寶山途中

蛱蝶紛紛釀蜜窠驛林開遍野棠花溪山處處唯
啼鳥麥浪連雲不見家

鶴野

晚晴控馬倚微涼笑殺唐家事遠荒蕪土未能填
盡野至今泥澤水蒲長

湯泉前溪午飯

荻岸蕭疎值小晴一溪清淺草花明行瓶酒盡呼
炊黍絲曳纖鱗作好羹

義豐驛

古驛沉沉壁釀陰亂鶯啼夜雨淋淋平生詩酒渾
無賴添却鄉關一片心

贈遼陽河秀才廷秀

平生襟抱少開顏客裏秋懷歲又殘明月暗投人
按劍憑君聊欲贈高山

次公樂壁上韻

雨洗炎天生小寒郵亭呼酒亦多閑征鞍賴有詩
筒在題品燕南處處山

漁陽

委權楊李已多違錦繡襁成事可知終古色荒招

喪亂漁陽未必叛胡兒

孤竹君古城

天教季歷已生昌
慮遠明微是大王
傳家不與周
相似空殺夷齊棄首陽

次永平府書生召駢韻

襄年持節過皇城
采盡風謠記所經
白面妙齡才
調異後生從古未宜輕

途中次健之韻

曉月蒼茫露氣淒
枕邊鳴咽聽沙雞
黃昏正上通
州堞歸興先飛鴨水西

忠州自警堂贈別

池面沉沉水氣昏
夜深魚擲枕邊聞
明宵泊近驪江月
竹嶺橫天不見君

王昭君

漢有妖姬不重輕
嫁胡擣未許輸平
世人不解毛師意
汚殺黃金受賄名

松枕

化却蒼鬚萬丈身
功名堪敵竹夫人
何如歲晏徂徂頂
百電千霜也益真

箭箭郊贈別 謂歸時作

箭郊芳草綠鋪茵
楮子巖花落晚春
漢水與人俱入海
可能流到碧波津

硯滴

兩開幽竇氣先通
闔潮門一指功知汝
飽更名正手削磨圭角便虛中

秋夜

銅掌霜飄月露鮮
天街鍾漏落燈前
黃茅小店香奩閑
今夜故人應未眠

題壁

跌宕南關老都事
通來扶病夜斟壺
弓懸壁上書

堆案半是書生半武夫

古小雲 三山踏雪五絕

餐霞秘法太玄奇沃雪燃荆午一炊昏曉點香三
禮佛上方無盡好生涯

龍菴尋僧未遇

積雪稜稜沒半筇雲谿斜轉一僧蹤到頭畢竟也
無覓碧霧滿庭丹竈空

義相菴

雪風生夜響林梢屋角雲深一磬飄十笏禪房僧
閑閣客燈初翳佛香消

大慈菴

暝栢多姿雪滿山星河迢遞月漫漫香盤夜爇吟
肝開最愛瓶漿一味寒

梅竹 又有六言

梅是方塘意態嬌逢春先自引新條纏瘦檣有可
憐竹一葉長教雪霜交

題榮川黃判官別墅

畫閣春寒日正開一邊松石一邊梅南來懶倦詩
全廢此日清聯獨也裁

題雲山驛

梅花無數着枝繁芳草萋萋亦別寬分明昨夜懷
中物彷彿翻成夢裡魂

圓通窟

斷窟嵯峩墮半天藤蘿為瓦石為椽入門只見僧
三箇一衲烹茶二衲眠

牆下柳槎

霜亦不能為之裹雨亦不能為之滋誰知牆下嵯
峩骨昔日春風嫋嫋枝

陽才

沙平沉醉不曾知扶捉歸來亦賴誰夜雨送寒簷

有溜容塊深省政多時

黃江

喬木成林集老鴉
峽形高起水鳴波
一區清思渾無賴
添却人間別恨多

丹陽

峽江馳勢碧橫回
造物如兒此劈開
鞍馬此身南嶺遠
一春花鳥度徘徊

灘聲半日借南行
木筆花繁春早生
清坐一軒皆分外
滿庭青草亦無情

豐基

竹嶺陪還伯叔行客軒還更着逢兄一夜笑談渾
別怨朝來三處有餘情

長安南望嶺南天六鎮風烟路八千湖上有樓程
有驛人間何處正分鞭

陽川偶吟

鴈分南嶺斷家書母也春堂隔江居此身客寓陽
川里少弟今宵正在廬

浪翁贈別

按甲子錄李龜字浪翁號再思堂

白雲京洛是萱堂斷鴈燕天更失行琴瑟長教君
北界一家消息在三鄉

漢江

春波清漲碧漫漫落日長洲生晚寒貧別有言潭
不記醉顛雖後亦江干

忠州

晴溪春暖簇花鉏一撥哀絃落日邊雞峴未踰愁
思在驛林先賦鎖寒烟

杯

人間萬事多違屈指百年能幾且就尊前滿斟與

君日醉方是

梅竹又有七言絕句

可愛香魂凍雪最憐勁節嚴霜此生襟抱堪契何
物紫荆多苦

五偈其一青松偈

傲雪霜而長青非貴順陰陽而榮悴亦羨大地草
木皆黃落亭亭獨秀得無異

其二落葉偈

春而開夏而敷都是一根元氣商飈搖落墮本根
渠與他不相似

其三潮偈

孰驅使而來也誰迫逐而回也有來有往本如此

四大何地不成灰

其四白雲偈

白其色可以見無其質捉不得無可捉白不見色
與質無分別

其五竹偈

蕭蕭然鳴者踈葉耶憂憂爾敲者苦節耶直待無
風三籟靜更辨蕭蕭與憂憂

金骨途中

叱駒駄瘦骨終日不成欣島雨龍腥嗅天風海吼
聞無恩將老母有眾負明君此去投僧舍從今謝

世紛

到上窟又有七言絕句

窮秋微雨霽薄暮問胡僧前浦寒潮至遙山白月
登短筇移石上清嘯發雲層便漱寒泉水宵來鶴
與朋

寄德優

海亭春夜短一別復何言怪雨連鯨窟頑雲接鬼
門青銅雙鬢色危涕半衫痕更把離騷語憑君欲
細論

海南別希醇

泣壁平生友相逢地盡頭海山青倒水邊草白連
秋欲托臨分語還憐未死軀明朝成遠別何處覓

君耀

棘城

遠塞天將暮歸鴉復一聲陰風生古磧驟雨作寒
城漠漠齋堂小啾啾鬼哭聽千年征戰地聊此駐
行旌

夏店題壁

黃昏投古店行竈喫童炊零露悲涼夜明河暗淡
時愁懷生白髮旅恨入清詩故國無消息淒風感

所思

通州

通州天下勝樓觀出雲霄市積金陵貨江通楊子
潮層雲秋落渚獨鳥暮歸遼鞍馬身千里登臨故

國遙

積一作列

途中

遠塞風生晚蕭蕭短荻鳴海山橫寸碧城日畫殘
明綠麥皆黃穗東人尚北征愁邊無好語詩料鬢
千莖

贈別浪翁三首

舉世皆厚德相逢即強顏狂踈吾有癖迂拙爾偏
頑以此爲襟抱從今至歲寒風塵先一跌行路信

多艱

世道無相假知音况別筵懷中分白璧愁裡斷朱
絃鳥入朔天外詩成落日邊歸期有雞黍君可發

征鞭

鐵嶺忽君背銀溪瀆馬肝簫笳聞塞峽歲月度征
鞍消息稀南國江山近北蠻應看城上燧日夕到

長安

三山踏雪途半

曠野鳴枯草酸風薄暮生歸鴉烟際失小店雪邊
明客裡詩偏澁愁中歲易征赴山幽意在渴飲借
僧瓶

次清德樓韻

登樓千古恨消息費搔頭慷慨年添病悲涼兩積
秋伊西聞戰伐人世幾沉浮籍土今為郡居民屬
魯侯

別友

隻馬長篙客征鞍歲欲終徘徊城裡別惆悵嶺邊
逢白髮驚新色紅顏減舊容相看更嗚咽明日又

西東

偶成

蓬島秋深萬木彫扶鸞綠玉訪禪寮却烟火食冷
霞液同水雲僧卧月宵步轉三清歸鶴瘦舞移雙
鳥駭鳬驕且呼青鳥邀王母此去瑤池路未遙

又

人間幽峽已浮沉白首餘生只抱襟夜梵殘時香
火冷曉禽驚後佛堂深一心歷歷皆忠孝萬事悠
懃自古今笑罷雲牕歌激烈半山松檣月陰陰

卽事效撫

天開寶刹三兩間白葉胡僧門不關石塔百層半
空入鐵崖萬丈千古頑寒潮曉落出鹽井黑霧晚
消多海山極目天涯雲更遠北書不至吾得還

臨津赴京時作

清裝蕭索路脩脩短帽輕蓑上小舟石壁幽花沉
晚泊海門飛雨濕輕鷗汀迷芳草增鄉思鳥度長
天有暮愁沙峴故人無面目津夫歌榜亦堪酬

松都

孤城迢遞半遺基達巷通衢古制奇杏子比拳春
盡謝麥芒如浪雨新滋顛碑廢剝斜陽裡斷堞啼

鴉故國時回首終南無寸碧白雲生處有愁思

故一
作去

平山

山縣蕭條日又斜石墻低短上蒼蘿關河超忽身
蕪遠鞍馬飄零歲已過數樹鴉啼知幾處一村烟
斷不多家海棠已落愁無賴細嗅幽香芳藥花

鳳山道中得進退格

西行孤負好山河客裡無詩答歲華天入鳳黃晴
日少地經龍劍瘴雲多中原每每無人火古壘蕭
蕭有荻花萬里征鞍愁欲老驛亭搔首夜相遇

遼陽途中

舊識營州北薊連遼陽西度思依然中田纍纍皆
殘塚大野茫茫際遠天九關重門城百雉一歸華
表鶴千年蕩阡陌落非吾土種種鄉愁返照邊

次古韻

一江風緊水粼粼兩兩鳴鷗分外親山郭酒庄多
傍路龍祠古碣半生鱗鄉心遠逐白雲去旅恨偏
從落日新萬里來遊須盡醉與君重到未應頻

三义河途中

廢壘殘城向夕曛塞邊愁思草連雲長墻一函分
胡地河水三义接海門蘆綿維舟開木道天妃留

廟辱湘君風謠欲問邦音異倚馬行看古碣文

凌河渡口晚酌

渚雲開盡淺山多河水漫漫不見家神母古祠餘
病木塞城斜日集鳴鶴鄉愁緬邈憑詩話客路陰
晴借酒過薄暮投鞭何處驛淡烟荒草極天涯

曹家庄途中

玉節西辭事有期北來燕薊亦多時風搖麥浪波
千頃雲露丫鬟山一眉度盡炎荒天更抱傍來青
海地窮涯飛帆若借長風去直到金陵第一奇

灤河小酌

大野漫漫日向西蓼洲十里好生凉潦河南下鳥
飛盡雉堞北來山勢長折柳穿魚賈兒集浴流哭
子孀婦傷天涯飄泊客來此有酒不堪愁遠鄉

望海寺

山根鰲脊地凌虛一磬飄聲近帝居朝日噴紅跳
渤澥晴雲拖白出巫閭端鳴側塔千年穴龜負殘
碑太古書穿衲七斤僧話好點茶聊復駐征驢

次陽樊壁上韻

通津橋店酒堪賒菱唱遙聞似若耶幽鳥一鳴晴
景好綠槐深院午陰斜恨回飄泊萍浮水笑却踈

荒足畫蛇暫借支願成遠夢海關遼水杳重遮

海印寺

石橋斜入訪禪門暫借瓊樓倚々熏蒲蓋苔深涼
意在諸達風度好香聞流回禁掖西湖水青逶重
簾萬壽雲閨苑蓬萊尋不得仙凡疑此路中分

開元寺

踏馬晴郊雨欲回塞邊歸路傍城隈關河日晚愁
孤惲野寺秋深上古臺節序已殘天北限江山無
數客中懷白眉老衲應憐我閑閭終年百不開

拜辭退朝次健之韻

羽林千隊被紅氳五色雲深看儼然天襯玉闌龍
馭近繙繁金瓦日華宣坐朝玉帛通文軌手挈乾
坤盡轉旋萬里陪臣來徂夏拜辭丹陛已秋天

應製

削玉磨荆碧貯盤黃門分自御厨頒幾勞田畯鋤
邊汗忽被饔人手下剝冷比雪霜推酷熱味多甜
淡潤枯肝臣非老圃還先飽慚愧前脩不素食

次映湖樓韻

江樓春好水波多嶺外飄零客况加十里青山來
古郭數聲雞犬有人家遙林斜度鷓鴣鳥墟落亂

開桃杏花晚放樓船趨鼓去柳陰留泊最深槎

歲戊午暮春同諸父諸昆季陪王母慈闈

獻觴于湖邊口號

白沙洲渚柳花飛雲幕高張晚更奇南斗老人添
算處瑤池王母獻桃時一江風日還爭麗四座尊
卑各有儀更放樓船沿月下映湖樓上罄深卮

次安邊東軒韻

鐵關天險似秦中古塞悲笳落遠空凍雨斜連千
嶂雪飢鴉驚叫一林風百年去住身先老半世悲
歡氣挫雄萬里羈懷愁不語關河迢遞近山戎

次七寶亭韻

不染淤泥乃爾村高人相伴費千盃初驚王母臨
池宴便覺滄浪濯足回惠雨時將清韻過晚風長
送好香來更憐近檻多清萼為問明朝開未開

次永興望京樓韻二首

薄官奔走鬢生華落日憑樓地一涯萬里征鞍愁
古柵數聲啼鳥墮林花長坡草軟飢牛牧廢壘鴉
驚暮雨斜南望白雲愁杳杳鐵關迢遞恨如何
客裡無詩答歲華一年邊况倚天涯遙城雪盡愁
銜雨古杜春回憶見花忽上高樓入北望更吹長

笛日西斜龍江南注無時住為報歸波柰我何

次柳子厚別舍弟宗一韻

百年雙鬢已紛然地角從來此一邊閩越古邦人
盡斬桂江腥雨日如年山田劔戟秋連海舟落湘
吳水擊天此去莫更思乃伯故臣骸骨足蠻烟

金上舍

萬句林亭

面水依山小閣奇渚林春盡更多姿百年巷僻身
堪老一架書存業可知謀拙半生恬泊內趣成長
日笑歌時朱絃共惜彈流水世上無人寔子期

次山谷雪韻

天公巧琢崑山玉輕屑霏霏劇卷沙鶴背驚跳華
表迥驢蹄深沒灞橋斜幻田塵界瑤成窟別起春
風柳放花報爾休誇天下白照余襄鬢轉增華

寄申溉之

用溉

半世功名再上官草廬容膝只三間遊山有約君
多病行世無媒歲欲闌書史苦繁能豈敢琴碁雖
好不如閑三清古洞秋懷在赤葉黃花一半殘

次武皇舟中韻

江寒鴉札一聲櫓薄晚棹入瀟湘雨黃陵女兒抗
手去採蓮唱斷背髻語白髮篙工亦知和齊作榜

歌起危坐樵風逆浪望不到二妃祠下枹鼓過

登高

落木蕭蕭節序過瘦筇扶病上高阿百年迷路身
千里萬事傷心海一涯醉借紅顏酬赤葉老將華
髮負黃花龍山落帽尋常事且可招魂賦楚些

蘓浦泛舟

雙橹齊鳴日欲頽瘴氣秋霧海天開山回錦繡霜
楓早水躍琉璃晚汐來唾與老龍珠萬斛醉酬佳
節酒千盃南中信羨非吾土一望歸雲更慘懷

庚申夜

翳翳殘燈近月正卅年
庚夜正崢嶸母心一片堅
初眠白髮千莖誤半生
暗處已知明十日腹中應
亦有三彭天君可使無多欠
穩睡堪宜達五更

贈別辛點馬

風塵失足路多歧染指人間萬事違
一卧海山身又病五吟花雨鬢先知
平生已許同襟抱裏倒那知此別
離萬斛龍驤風穩舉明朝何處更追隨

成宗大王輓

提把乾坤置大熙經綸心上主無為百年禮樂周
三世萬古文章此一時天亦有殃虧斗極地應多

咎絕坤維唯餘積慶長流毓玉葉成陰欝滿枝
大德從來壽可知堯年百十舜耄期還傷造物多
精處亦有天心未料時日落蒼梧星月迫龍移湖
水効弓遺此生那復承三接雨洗麒麟杳九疑
珥筆無能贊一辭四年螭陛遇深知金門咫尺承
明詔夜講從容奉賜卮向日葵心看未死騁雲仙
馭渺難追初冬內宴陪宣政此是龍顏永訣時

夕陽聯句

亭東移片席樹下趁涼陰樵牧還幽逕鷗鴟集舊
林遠烟生竹屋遙艇泊江心列岫影斜地快風爽

滿襟橫拖浦中練動躍鳥背金得白潮生海失青
雲沒岑孤城窺寸照下土遍餘臨農憫同憂旱虫
喧欲占霖戍夫尋磬鐸炊婦漑釜鬻柳密烟中髻
峭尖莽裡針明霞橫靄靄自鳥度驥驥昧谷羲寅
錢虞淵璧欲沉千聲多北聒萬影盡東森山牧羊
先下塘棲鷄亦尋歸心蘓武切嗟罪賈生任自欲
長繩繫密歎西岳侵雲高愁不挽鴈斷愴難禁海
國村村笛蠻鄉處處砧何勞夸父渴不欲步兵瘠
老此江潭上永懷葵藿忱

聚散聯句

混沌本一氣陰陽非兩分自從兩儀肇而有四象
存三才從此立八卦以之根散而爲萬殊放之彌
六垠一豈不生兩百亦因三失堯舜性之大桀紂
惡之極所以善與惡終然歸其一達者知此理終
始兢惕若

鏡城南軒聯句與評事李孝文相咏

去國踰千里逢君地一頭忠元邊聲朝暮起瘴氣
夜來淳胄之雪虐春猶凍風頑夏似秋元居民皆
板屋歌妓亦胡謳之衣紵資麻絮苗鋤賴犢牛元
江山連靺鞨土俗喜戈矛之我遠在來歲君歸况

再周之獨將詩遣悶唯把酒寬憂元離索頗看鏡
奔馳已弊裘元袖中携榦草心上費邊籌之羌笛
驚鄉夢金笳惹客愁元何期值良夜復此做清遊
之旅館醉偏澁征鞍歲易流之明朝各分手音信
兩悠悠元

贈義順僧百韻

念我棲寂照惟汝在沙彌縱汝無學力汝性頗醇
慈薪水須汝身饔飧待汝資初年同負笈上黨字
學而次年徂春夏効翁若溉之既喜汝卽貸更因
刹乃私自是以爲家無歲不投茲吾黨頗清曠狂

踈少益癡好古不好讀以志爲高追藜羹飽飯後
春眠困頓時山禽呼澗北雲物正多姿出門如放
犢沿溪越嶮巇長嶺鎮高陽雄盤勢莫奇蜿蜒來
導鳳健若龍爭馳峻葉走二陵矯如鶻驚飛德水
挾南足交河奠西支都統有大志赤墓餘古祠王
孫豈不貴宿草沒殘碑平生一蠟屐天地短筇枝
孤踵無定極飄飄何所繫清泉或漱過斗壁先超
危我雖無戒命汝嘗佩壺隨十步五前致慇懃問
渴飢幽花明澗谷有石竈或卑松枝來掃拂勸我
坐者甚須臾拾松子湯進浮蟻卮同行頗無量數

巡氣方怡雄談展一席思攝無能為酒酣轉枕籍
有若龜曝曦蹠烏沒遠嵒暝色來山陲遙林聞虎
嘯導汝扶清羸歸蹊滋夕露山風時一吹空軒夜
寥闊桂魄寒滿墀風琴鳴月殿僧偈起雲齋哀鶻
啼有血層檜樽參差香盤燒冷火林薄咽幽池清
懷不可掬中宵坐整衣贊房僅十笏龍涎爇銅龜
談玄搖玉麈刻句斷吟聲更從燃燭盡話入敲椎
遲汝時在傍睡應喫無難辭寒爐撥餘火清水灌
小羸煮以生地椒進以乾棘梨一啜腸胃滑一嘗
酸涎滋翛然出殿陛步轉石琉璃極落棲枕鵠眠

重昧色斯稚狂氣所使心巧亦多機松明束杖頭
勁箭繫生絲咫尺憒相向一發正雙墮射宿出不
意吾道已失宜殺生釋所禁於汝亦逢規分明疑
昨日俛仰事多違當年有遺藁草牋傳書詞晴牋
時點檢太半遺汝詩飄零紛似雪屈指多愴悲庚
年李郎亡其夏汝失師韓生尚儒冠申郎今吏司
天地豈不恩予我獨無依廬中歲不留哀哀慘永
思縱然不自滅意與人世遺原陵僻而深至親亦
睽離廬門不請人爾來周一朞清晨聞欸扉童來
驚報緇預知是為汝窮山訪者誰道斧鉗一封乾

覓茅包持此鞍雖至薄深誠諒不貲舊聞汝多病
相看我孰衰朱顏減昔好曜面驚今姪沉疴入汝
腹扁鵲或難醫衰白各成翁感歎生有涯招魂良
未計鍊丹豈可施乃知處世間忽若黃粱炊思量
宇宙內役役終何其古今一軌轍賢愚亦同歸孔
席不暇暖墨突無黔期東陵跖苑利首陽名汚夷
孟氏悲湍水楊朱泣路歧管仲伯列侯周公制禮
儀溺水如屈生投火如介推蘓張騁從橫六國畏
其威申韓用刑名秦漢受太癡田駢鄒衍輦辨博
爭黃驪經營費精神畢竟何所裨相持百歲身了

無一日嬉虛名史一冊萬口有是非達人著齊物
茲論或庶幾莫鑿混沌竅標作罔象知莫毀百年
木畫為七廟犧名途動有梗容足有九疑文章身
後蛻富貴豐扒皮箕穎有古人堯德不能移陶潛
肯折腰歸歟復奚疑風塵埋半腰汨吾名所羈白
駒駕我車誰能繫而維田園有餘地十畝可耕畱
戒爾以恩慮節食保餘顧蕭然一杖屢相訪汝莫
辭退之友太顛子瞻有惠師忘形方外交自古吹
墳篋青燈十年夜白首開雙眉

穆清殿壁上哭亡友獻可名

昔我甲辰秋與爾同過此何期四載餘奈此哭姓
氏爾名畫無缺爾言音在耳爾名尚可見爾面不
可視爾面夢可見爾葬復何里酌吾半飲壺奠向
壁上爾鑿井卽有泉何論遠與通吞聲腸內裂惆
悵接天地同行有溉之那知昔年事

越四日夜夢獻可

爾為嶺外魂我尚人間身死生心豈異幽明接無
因頃到穆清殿哭爾壁上名哭以奠一杯斷斷非
外情何期一夜夢相看不復覩許我平生顏握手
話睽離須臾卽同襟悅惄相抱持飄飄忽返去不

曾遺我辭攬衣欲追攀乃爾蹴且驚傷心淚滿臆

落月窺牕明

舊本許我平生顏爲一夜夢下旬而落韻故今姑換正

送子伯兄歸永安節度幕下

朝廷棄我伯幕下授節度王事貴方將險夷寧異
步慈堂况綠髮以義先勉喻伯也決此行據鞍頻
眄顧私恩亦難棄終然動懷抱兄曰嗟予季天南
送我戍離懷不足論我行良自負晨昏有汝身甘
旨有汝手季曰嗟余兄塞外今遠赴江山八五鎮
土俗非復古警鐸雜虜笳邊聲生薄暮檮風捲沙
磧白日飛腥雨將身天北極所交皆部伍莫喜消

羈恨花酒買長悞此物能伐性古來名兩斧愁時
有好事且可橫槊賦吾聞夏秋間胡騎未徑渡關
防頗無事書記不多務丁寧奉賀箋誕節來將毋
荆花政多陰頗并且相舞

次山谷和子瞻韻

斫桂炊白玉日午一舉鼎山中風日勁壁破無短
屏皇皇五弟昆渺渺各形影天寒霜雪繁林惕多
感省佳城欝深閑杳杳長夜永我喘尚如綫索漠
秋後鬼山簌奠四時晨夕酌清茗明牕坐竟日兀
兀冠巾靜崢嶸歲忽晚羲和走俄頃朝漱與夕盥

步轉斃間井我食不滿升我衣不重領石燈照夜
深耿耿出林冷廬隣有孤兄哀哀窮一等時於豕
腹鐺用致雲團餅

東陵爪課試

帝業隨烟燼天下移漢家生爲臣國俘將身欲奈
何軀命捨不能俯仰愧怍多東陵且苟活開圃矢
不過方春土脉動中田種我爪乾坤借雨露日夜
長茲芽灌園及清晨鋤荒至日斜綿綿引長蔓整
整成新花及時齊結實文貝五色華秋霜未落蒂
萬顆如星羅冷比水精圭甘逾蜜蜂窠欣然入我

圃妻子共相擎筠籃持賣市亦復慰生涯遠勝于
頭奴家貧豈足嗟向來千戶封那如此樂耶君子
不素餐為圃亦堪誇樊須近鹿鄙聖門空見訶高
哉採薇人餓死西山阿

解縛鷄 詳見七言絕句

爾性本司晨爾鳴復何怒頑童縛汝來乃知鳴為
祟麻繩絡汝足使汝無寸步飲啄不自適棲息安
可裕局促樊籠中翛翛禿汝羽擒能鳴不止一一
報晨午嗟哉爾喜鳴豈非天所賦兮我心獨憐出
入常勤顧丁寧解汝縛使汝得展布蕭蕭風雨夜

耶志林卷之三
二十九
從今杜汝口

蠹石

我聞蠹生木不見蠹入石此石狀恠竒如蠹鑿而
蝕鑿鑿穴傍穿槎牙苔積骨何年霹靂雨幾經潮
復玉唯余勁質異不受浸潤積

社首山

少年天子誇神武欲馭宇內如運指澶淵厭兵受
和豐河朔晏如戎塵弭水旱每奏右僕射錢穀不
問三司使防若侈意慮益周可憐陳罷李旋死丁
林交上會計錄拜賜尊珠朝亦媚汀洲黔卒玉環

劖鴟尾天書計充秘羣臣冊號表賀之大赦改元
祥符紀壽張便欲誇外國分封擬雪城下恥社首
之山名禹跡八神有祠頗多異辛拘老夫晝常見
亦有大人跡留此旁加齋沐太清室勑草封儀詔
學士泰山十月天多風黃途木脫河清只八鬢齊
毛行且鳴旌旗東經一千里三尺高壇十丈墠山
空夜靜人不起五土之儀不可詳金泥玉檢終瘞
地經營勒樹一片石至今功在東封祀是年四方
來獻祥蒼龍醴泉紛然至就中誰最致祥者分明
屈指欽若是

次山谷次王炳之竹字韻

朝牕日上三竿竹蕭蕭萬木聞空谷書床斟茗坐
傲兀襟懷淡古藍田玉羲和走急夸夫渴六龍過
隙車轉轂百年誰非處世人世間有路危甚蜀踈
慵最拙翰墨塲薛濤裁殘空滿幅夜暗莫投明月
珠調絕莫賦陽春曲毀譽之口有鎔鉢浮世功名
有榮辱羲皇去遠混沌死側手可能障赤俗平生
有契少吾黨姓名或墮神鬼錄將身欲作田舍夫
我無箕穎一畝菽君不見酒肆歲名李翰林醉擲

觀郡伯揷獸

海天十月霜枯草木葉脫盡千山瘦將軍曉出宛
馬驕彤弓在臂腰白羽韁鷹奮翮盧令令嚴部
伍皆拊口畫角一聲天中起貔貅忽散隨指顧山
籠野絡澤藪同揷火連雲矢如雨千年老豕走且
殪五步幸免僅十步窮獐窘抓兔狼藉箭血濺灑
原草汚須臾積禽金骨齊一朝獲十口尚乳將軍
顧眄據鞍笑落日大旗風前豎上殺天厨次諸用
分不成禽饗卒伍眼前大是丈夫事萬口騰呼說
無古山中小儒忽見之移寫寸紙無餘武

退朝走書

大明統御在德威梯航玉帛皆四夷秋回玉宇氣
微涼表賀聖節天下知東藩秉禮古箕封歲貢有
時朝有時奉天之殿凌霄漢脩脩五色祥雲披大
闢明堂開四門千官寶佩鳴采恩三聲警蹕寂若
相玉皇端拱雲裳垂天驕之子刺麻僧回回又與
缺相隨皮裳毛幘充耳環薑尾總髮真胡兒平生
不見王會圖奇形詭狀差過之亦有天孫十二使
執壤旅庭多令儀垂紳搢笏好尚書手擎雲錦升
天墀開緘一一親奏別駟馬車駕馳平達俄呼臚

唱叩帝闔白天悅惚聞咸池玲瓏莫是廣寒殿玉
闌瑤階庭琉璃念我血肉蠟虫臣身遊天府何其
奇三呼嵩華是赤心天子壽考萬萬期

賦

放白鷗賦

吳之山兮越之水海之喬兮雲之中何所不可歸
飛鵬胡爲乎雕籠旣無人於彭澤孰放爾於秋風
我哀爾之拘攣固物我之無間僕本不羈傲視泡
幻雲月其趣烟霞其情嘯傲溪山之勝泥塗軒冕
之榮養馴鶴於西湖秣征驥於丹丘一朝塵網十

年吹竽對俗狀以白眼望山蔚而開顏魂幾迷於
故園夢先尋於舊山是何異於閉籠念舊棲兮莫
歸遂神疲而假寐弄蝴蝶於希夷有一道士蹁躚
羽衣遡天籟而哀鳴吐平生之胸臆昔余遊於林
泉占江上之風月刷脩尾於烟際凌遲翰於雲脚
忽見羈於一目抱明姿兮誰識玉鎖掣余之兩脰
金籠閉余之雙翮引領兮秋空欲奮飛兮何極其
形甚瘦其聲最悲我不忍聞放之使飛萬里層霄
好全身而遠櫛一區稻田慎莫為乎要肥察爾去
就遠爾繒弋綠水丹山幸相消息重曰富貴兮草

頭露功名兮鮀上竿白鷗波兮浩蕩夫豈一枝之
可安余將北闕謝魏公之笏東門掛蓬崩之冠春
風秋月聊與爾而等閑言未旣道士告別余亦驚
悟不見白鷗之在籠但看此身之頹然卧塵土也

辭

和歸去來辭

歸去來兮性不可矯陶所歸余惡夫世人之鑿虛
兮或出樂而生悲周憤世而過激兮徒索隱其奚
追惠三黜而無愠兮較夷行則反非惟仕止與久
速兮仰宣尼吾樞衣懷古人之俣俣兮有肆志而

托微抱關不辭兮日月其奔豈無歸思
鬱于衡門仕或爲祿從義之存如斯
剖如木為尊吁所遇之異於是兮逢
聖主而承和顏非堯舜爲已恥
兮居隆寵而靡安嗟才踈而術益迂兮余進退其
何關愧河濱之伐檀兮時內訟而反觀計桑榆之
日迫兮黃河流而不還况羣賢之步武兮夫孰道
文而稱桓也歸去來兮吾有田園其可遊也要何
爲乎姜思食何爲乎鮀求投塵簪予反真兮有至
樂而無憂柔柘儼其成蹊兮未黍亂以盈疇登山
有屐兮涉水有舟扶家僮兮倩野老步逍遙兮園

邱或舒嘯於雲林亦濯足於澗流匪倖倖其咄世
要余生以終休已矣乎由父尚能遯堯時匹夫去
志難棄留箕山頽水恣所之吹笙學王喬騎鶴問
安期辟五穀而飧玉英欲無事於耘耔又何登高
而臨流費精神於賦詩然神仙杳茫而難托從子
歸來不復疑

瀛之水三疊辭送李旌義

希洛

瀛之水兮悠悠三洲鼎列兮鰲頭土宜性兮龍駟
水多產兮珍珠朝綱邈以無及人又性駿而氣柔
茲貪吏之好虐兮曰家而不國自耽羅而籍入乃

迄今其愈瘠星使朝回以陳奏兮夕貶乎三洲之
守也妙清遴兮朝端君獨膺其授也辭玉堂之清
禁兮誓我乎夷險而不負也旌民兮多福胡使余
爲獨也我祖君兮漢之陽君記此別兮海一曲

瀛之水兮洋洋仙山忽兮晝蒼承 天語之丁寧

兮望余以冀黃心豈薄兮淮陽懷山甫兮永傷望
終南兮日邊倏我行兮海之堧天晴雲兮霧斂瘴
風帆齊舉兮奚所牽令豐隆兮後先瞻漢擎而忽
前鮫人义鮑以獻技兮聆土諺而或異海天低兮
島嶼春霜繁兮袖枳懷古入兮不可名君能於此

而爲情酌我酒兮盈觴君可健飲兮南征
瀛之水兮茫茫東分日本兮南坼荆揚山無岳兮
鳥無鵠夏有雪兮秋晚霜將我身兮此中思一飯
兮不敢忘夢冕旒兮朝紫宸魂彷彿兮玉堂忽驚
覺兮棲怛益厲心兮初節政思寬兮瘼恩祛繩已
以廉兮化民以學腰銅虎兮袖牛刀借一淹兮驥
足聞絃歌兮海邑想御屏兮記賢來召命兮
自天東我裝兮回余船囊一錦兮琴五絃

龍堂口占江之水辭

江之水兮悠悠客有大夫而士兮橫截流以方舟

高歌憇笛響徹乎澄湫兮鼈鼉舞而魚龍愁王母
宴罷半瑤池兮遣羣仙而邀三洲江妃水伯出沒
而逢迎兮豐隆亦爲之馳驅追火杜兮秦淮和蘓
仙兮赤壁魂已遊於瀟湘而洞庭兮又何雲夢之
兩澤也余旣非隴西之人兮恨無仙風而道骨也
思孔氏之歎逝兮知觀水之有術亦自擬於呂翁
兮欲浪吟而飛過尚戀夫妙娘之歌發棹兮倚青
蛇而長嗟向鐵闕而南望兮悟此身之作客白雲
齋而迢遞兮終南忽兮無寸碧惟忠孝之兆二門
兮豈無私恩與公義也泊舟登岸而徘徊兮天渺

渺兮江易駛

七寶亭賞蓮辭與評事李穆相詠

登茲亭而寄傲兮匪耽觀而淹留胄之有荷香之
馥郁兮實君子之好逑仲雍追古人兮濂洛兮邀
夫君兮停輶之惟余志之未脩兮騁精神於千古
雍一句逸知前後之一心兮願因斯而求道雍孔
跖雞鳴而孜孜兮夫惟善惡之分也之雖前脩之
莫見兮尚六藝之餘芬雍將緒餘而發嘆兮君獨我兮北門之鐵嶺
義義而造天兮戀君親而南望
雍况期遊於江亭兮值懶雨之顛狂之魂已逝於

極浦兮周流乎烟霞之蒼茫
雍柳岸沒而為島兮
天風爽而納涼之既解佩而相樂兮又何七澤與
三湘雍獨恨夫君北而我南兮豈王事之靡盬之
勉同心而異居兮分白璧而肺腑雍

頌

河清頌 課試

大化之氣周一千祀厥象大異乾清坤寧泰運方
亨惟河獻清靈波湜湜出于積石以達汭洛踰濟
通滄湧瑞流祥水德之昌一氣圓融至和混同乃
與天通上膺休徵聖人誕承皇明乃興高明廣博

洞徹三極神人攸宅胡越為家宇宙同和海不揚
波三公五岳列位四瀆上下咸秩中和極致位天
與地萬靈畢至惟此河水冽其清只用表厥羨橫
截衆流紀于中區與國咸休

雜著

三山踏雪錄

歲癸丑仲冬有日陪伯兄子伯氏抵長嶺山之大
慈菴居數日約遊三山攜衲子印全為同行友金
上舍子誠好古雅人聞而樂之翼明倣裝啓行至
中興城之外石門歸馬反僕負任隨者三冠童皆

輕靴短筇裝束蕭然也時值隆寒平地雪深可布
帛尺山中倍差無崖稜石角鉤荆刺棘陵岸平拭
視為一樣雲菴以南逕出如線可入一笏白雲菴
上極古小雲可二里白雲臺之所在其危高絕險
殆猿鳥所難度雲菴諸衲多曰道塞不可達即全
道之先行前扶後推寸寸而進至則白雲露積獅
子毗盧削立天成西瞰滄渤三島杳然菴乃工字
淨刹道人智師曰得非跨鶴飛度耶仍沃雪為炊
瓜菹細蒸以慰之八夜話以居山清致其評雲譜
石深有所得也翼明踰獅子項抵上無住之南雪

崖峻峩足不可運側坐流下妙有雪功無住寺僧
一齊設安居法會常坐僧入講討蓮經清道僧空
休號曰空谷者主法空谷曰老衲得鄭君汝昌於
智異山結為平生方外交余謂鄭博學善人於人
少許可則空谷必有所養也與之語終夜果醇僧
也翼明踰南嶺憩龍菴釋玄仲所重修西南可一
里有大伽藍曰中興寺有前朝碑又西行可七里
曰積石寺有雀都統畫像皆古迹也遇僧罔浩還
浩方丈中興廊宇也浩設左燭右燈圍碁佛圖博
飲終宵翼明由南蹊上法王窟石窟二間禪房十

笏皆不用金碧上有佛殿一間中安十六羅漢神
驗頗聞祈禳來者無虛日居僧六七皆食焉旣午
飯西行過禪菴無著三川等寺古三川之北崖有
義相菴古神僧義相所精進地故遂名之斲石除
地架空爲屋三佛殿厨舍凡五間自下望之危若
墮焉鑿巔巖仄壁爲層蹊二僧居之曰能一碩志
可炊不可話者翼明下三川洞行數百步得石面
斲佛古外道金同所創僧家賤之過不禮焉旣午
出洞門貸村馬遂還大慈嗚呼世人遊山多以春
秋爲尚者有禽鳥水石聲可聽也花林楓樹色可

觀也單祫之衣寒暖之節可相宜也然則吾黨所
樂豈不在聲色寒暖之外耶歟書其事從印全志
也若夫山行所得古律不可盡錄姑書五絕云

金骨山錄

金骨山在珍島郡治西二十里中嶽峻峩四面皆
石望之若玉美若西北抵海坤支蜿蜒南驚可二
里而爲艮站又東走可三里而爲龍莊山至碧波
渡而止山之周圍凡三十餘里下有大伽藍古基
曰海院寺有石塔九層塔西有廢井上有三窟其
最下者曰西窟窟在山之西麓創始不知何代近

有僧一行造香木塑像十六羅漢安其窟窟傍別
有古刹六七楹緇徒居之其最上者曰上窟窟在
中岳絕頂之東仄崖絕壁不可以仞摶猱之捷尚
不能度自東無有攀緣著足地由西窟而東上路
極危險緣崖轉石寸寸而前可一里石峰斗起不
可飛度累石為層梯者十三級下視無底心目俱
眩上此則為絕頂自絕頂迤東而下可三十步鑿
巔巔為凹而黏足上下者十二凹下此十餘步而
為上窟又其北巔行數步又鑿巔崖憑虛架空向
東直下者八九步而為東窟前楹厨舍皆為風雨

頽圮窟北崖斲成彌勒佛古郡守柳好池所創僧
家相傳此山古多神驗每年能放光示異疫癘勞
旱凡有禱必應自斲彌勒成而山無復放光彼柳
也若非外道金同者流必是壓山鬼人其言厖幻
亦足可聽歲戊午秋胄以罪謫來島上其冬遍觀
此山得所謂三窟者心記之越四年壬戌秋九月
冊封 王世子是日大赦國中獨戊午一時被罪
擗紳之士不在原例余私自訟曰士君子生斯世
必以忠孝自期今我罪惡深重爲 聖朝棄物欲
爲臣而不得忠於君欲爲子而不得孝於親有兄

弟朋友妻子而又不得兄弟朋友妻子之樂吾非
人類也忽忽益無人世意一日佩童子一榼酒躊
躇然行投西窟舊衲子彥顥智純直抵上窟窟併
佛殿齋厨總二間空曠年多無有居僧落葉填門
塵沙滿房山風觸之海雨侵之陳蘿瘴積不可堪
於是掃塵沙塗牖壁斬木爨竈啓戶通氣日中
飯一盂晨昏茶一椀將鳴雞以聽曉察前潮而候
時寢息聽意動作隨便作五偈令智純每夜分唱
五更卧而聽之亦一奇勝也如是者殆半月郡太
守李君世珍氏持泡酒來慰且言曰此地極危可

速下若欲與方外僧同逍遙則宜西窟崔君倬卿
朴君而經抵書云聞君投上窟蹈不測之危非知
命君子之所為也孫君汝霖自京師奉 聖旨來
咨民瘼將二三子之意且極詆余余曰朋友責善
非欺我也我愚騃初不知名途之險於九折行且
不息以敗吾車今又居是窟而不知險萬有一跌
以殘父母之遺體則不孝之大也告歸於顥純兩
師將下山師送余至海院塔下曰山僧蹤迹如雲
無鄉何有住着使亦朝夕蒙 恩其復處此金骨
歟蓋書一言以爲後日面目乎余曰師之言固可

書也且攷諸輿地勝覽於此島名山金骨不錄於
佛宇三窟闕載此 聖朝叛籍之所闕失也金骨
之大不幸也今因兩師之言而錄金骨使後之觀
是錄者知此島有金骨山山中有三窟又知兩師
之與老夫居是窟則將不自今而作古歟兩師曰
唯唯併錄隨日所得若干篇遂書爲金骨錄以遺
西窟云在山凡二十三日也時弘治壬戌冬十月
日鐵城李胄之錄

此集有二本而隆慶丁卯咸興府本附雀

李二公詩辛未本有張公識今并錄于下

附錄

寬氣橫天星斗昏當時風雨不堪聞網漏故人
今白首憶君何處更逢君

崔淑生

旅魄殘夜雨聲寒忽閱遺篇淚滿顏直節已隨
松桂折更留佳句擅人間

李贊

先生姓李諱胄字胄之固城人也高麗判密直
事尊庇之後容軒先生原之曾孫也燕山朝自
司諫院獻納配珍島卒以見法萬丈光燄不止

此矣而先生姪孫李公輒之所藏者太山一毫
芑爾懼其復就泯泯且鋟諸梓以示同志云
皇明隆慶辛未五月日玉山張範謹識

鐵城聯芳集卷之三終

文章公物也父不能傳之子祖不得與之孫故任
昉之家聲已墜於東里杜陵之詩名遂失於嗣業
此古今之所歎也厥或祖子孫三四世連武襲美
垂名後世者惟唐之武平一李吉甫王播數三家
公物之多取也難矣哉乃若鐵城李氏自文僖公
上下數世既以文章名麗朝杏村文貞公尤大鳴
於中朝而遺集不傳散見於文選勝覽等書者僅
若干篇子平齋文敬公孫容軒襄憲公俱有詩集
爲牧隱所間卞徐諸賢所推許至若惗軒公又容
軒之曾孫而詩極蒼古華人摭通州詩語而謂之

暮歸遼先生遂與趙倚樓鄭鷓鴣並傳天下一家
八九世之間能疊璧而傳芳果有如鐵城氏比者
耶然此自諸公餘事耳平齋雅敏有經濟器容軒
事我

太祖太宗世宗三朝功業在社稷忘軒才兼濟世
名著節義蓋其蘊諸身見諸事者皆卓卓乎焜耀
史傳其聯芳之美豈徒詩文之不朽而已哉平齋
容軒詩既刊刷矣而世遠板毀忘軒集崔張二氏
之掇拾禍變之餘者才九苞一毛爾迺者清閣主
人宜秀甫以容軒之後忘軒之傍裔懼夫三世遺

集之湮沒如杏村集之無傳也與族叔周老周楨及諸宗搜粹杏村詩於諸書與夫三集者合帙而並鋟之屬詁爲跋語訪辭不敢當則曰子之先祖陽村公乃平齋之婿而容軒早孤依歸於陽村以妹婿之親兼師友之契子之曾祖西湖公又吾家之自出也其可恕然乎訪瞿然曰諾夫以天下至公之物爲李氏屢世箕裘者固盛矣今三四百年之後諸君能合謀而廣傳又可嘉也况其門內彬彬多文學意者聯芳之集不獨專美於前也歟遂書此而以托名其間爲榮焉

上之四年甲子夏五小盡日安東權訪敬書

我家詩學粵自 鐵城君先祖至 杏村平齋
容軒而聯世尤著聞此鐵城聯芳集之所由作
也噫以青坡公之博雅編次 平容二祖之集
而已有失亡殆盡之歎况此累百載之下耳孫
之世乎 杏村之文章而遺集不行則誠百世
之恨也嘗觀文選及勝覽諸編有 杏村詩若
千首而青坡之不以掇拾而合稿何也豈其所
存甚歟不足以成編者歟求之聲響咳唾而有
不可多得焉則憑依其現在圖像摹寫 杏村

容軒小影附之卷端其意悲矣而今歲久板缺
并與小影而無傳百世之下將何所寫慕焉舊
本出於成化丙申印本之刊獎固其勢也迺
者吾宗君宜秀汝根甫懼其世愈遠而蹟愈泯
與道州諸宗合謀重刊而以選覽所載杏村
詩四首及海東名蹟兩世遺墨數紙補遺焉
又竊悲忘軒公以容軒公曾孫世其家學詩
名藉甚而褐故之餘詩文之僅傳於崔張二氏
者不能無異同訛類於是乎合校而并鋟之通
謂之聯芳集詩凡四百二十一首合舊刊三世

銘碣世系譜圖為上中下三編噫茲役也我
先父老之所嘗營度未就者而得成於吾輩夫
所謂有數者存耶如使後生輩誦其詩思其人
而有得於先世風流志節之萬一焉則文章
雖餘事而亦不能無助云爾

聖上卽祚之四年甲子夏後孫朝奉大夫承文院正

字周楨謹識

甲子夏六月日重刊于花山之伴鷗亭



